

Modus et effectus uisum

domis nill

Quintus Servilius

consequenter

THE UNIVERSITY OF CHICAGO


aussetzen in

THE CONSTITUTION OF THE UNITED STATES

Chompsis

ms. Quadraria. It. ex. 18. 8. 1. 1.

170



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1146/A



et in iudicio dei iudicabitur  
et in iudicio dei iudicabitur  
et in iudicio dei iudicabitur  
et in iudicio dei iudicabitur



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1146/A





Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1146/A



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1146/A



K

Haus der rüstbamer zu Raitenlag  
Jahr 1600.

1146

A

*complet*


N. VII W

16

BÜCHSENMEISTEREY









Die Folzpfen p. m.


Not



Büchsenmeisteren.

**S**choß /  
Büchsen / Pul-  
uer / Kugeln / Salpe-  
ter / Feuerwerck / vnnnd Pfeil / 2c. Zum  
schimpff vnd ernst zumachen / zuurichten /  
vnd nach jedes gewicht / Stein vñ  
Lot zu gebrauchen.

**D**aben Gemeine Kriegsrecht /  
Rath / Regiment / vnd  
Ordnung.



Gedruckt zu Franckfore am Mayn /  
bey Christian Egenolffs Erben.

M. D. XCVII



M. H. folger p. m. d.

Mot



## Vorred an den Leser.

**E**ist on widerred/in mensch-  
lichen sachen / nichts bessers  
noch edler dann fried vnd en-  
nigkeit / dadurch on alle mühe vnd  
arbeit/ König/ Fürsten vñ Herrn/  
Land vnd leut in gemächlicher ru-  
he vnd sicherheit erhalten/je lenger  
je mehr in alle weg zu gutem wach-  
sen vñ zunemen/ Herwiderumb  
nichts verhafter bey Gott vñ den  
menschen / dann zwitteracht/ Krieg  
vnd vnfried/ dardurch/ wie augen-  
schein / alle ding zu grund/ das vn-  
der vbersich geht/ Schloß vñ dörf-  
fer verbrēit/ verherget / Frauen  
vnd Jungfrauen geschendet/ Gü-  
ter vnd hab geraubt / Die Leut er-

A ij schlaf



Vorred.

schlagen/ ermördt/ gefangen vñnd  
verjagt werden/ wittwen vñd wey-  
sen gemacht/ vñd dergleichen vbel/  
vñnmüglich zuerzē/ der welt durch  
krieg zustehen / daß auch der vber-  
winder nimmer ohn mercklichen  
schadē davon kompt / Also daß die  
Henden/ den aller vñbillichsten fris-  
den besser dan den aller billichsten  
Krieg/ nicht vñrecht gesagt haben.  
Dieweil aber / täglicher erfarnus  
kündlich/ daß etwan biderleut vber  
vñsfaltigs Rechts er bieten / Gött-  
lichem vñd Kayserslichem Recht zu-  
wider/ bekrieget / vergewaltigt vñ  
angefochten werden / ist niemandt  
für vbel zu haben/ sich gegen denē/  
da Recht vñnd billichkeit kein statt  
hat/



## Vorred.

hat/ mit gegenwehr tröstlich ( als  
bey der Gerechtigkeit/ das Vatter-  
land/ das sein/ wittwen vnd weysen  
zu retten / Darumb vns dan welt-  
liche Obergent von Gott geben) in  
rüstung zu halten/ darzu dann das  
edlest Kleinot/ sterckest Bollwerck/  
sein erfarnere dapffere fromme Leut/  
welche zubekommen kein gelt noch  
gut gespart werden sol / denen Ge-  
rechtigkeit vnd Ehr lieber sey dann  
Silber vñ Golt / ja aller welt gut/  
Nit/ wie dann (leider) der gemeyn  
schlag / die da nemen daß sie reich  
würden/ vnangesehen/ ob ein gantz  
Volk/ Statt vnd Landt darob in  
not vnd verderbnuß keme. Dar-  
an ist zu vnsern zeiten / viel geles

A. iij                      gen/



Vorred.

gen / an dem grausamen Instru-  
ment des Buchsengeschosß / dafür /  
wie kündlich / kein gewalt noch fe-  
ste starck gnug ist / Damit umbzu-  
gehen ein sonderer bescheidenheit  
erfordert wirt. Hab derhalb geneig-  
ter meinung / Gemeinem nuß zu  
gut / diß Büchlein an tag geben / so  
hievor in grosser geheim gehalten /  
vnnnd gar wenigen fürgestanden /  
darinnen alles so zu diesem handel  
von nöten / eigentlich vnnnd trew-  
lich / als jedem hierin bezeuget /  
erlernet vnnnd angezeigt  
wirt. Gott gebe vns  
sein genad.

Zwölff



Zwölff Regeln vnnnd Frag-  
stück/Büchsenmeisterei belägend.

i. Ob das Feuer den stein auß der Büchsen  
treibe/oder den dunst der von dem  
feuer gehet.

**E**liche sprechen/ das Feuer hab  
die krafft den stein zu treiben / aber  
der dunst hat die krafft den stein zu  
treiben. Ein pfund gutes puluers thu in  
ein weinfaß/ vermache es wol dz kein dunst  
dauon kommen möge/dann zu dem zünd-  
loch/da du es anzünden wilt/ vnd so es an-  
gezündt wirt/ so ist das puluer zu hand ver-  
brunnen / vnd zerbricht der dunst das faß.

ii Ob Salpeter oder Schwefel die Krafft  
hab den stein zutreiben.

Sie beide/ Dann wann das puluer  
entzündet wirdt in der Büchs / so ist der  
Schwefel als hiezig/vnd der Salpeter ist  
falt/das die hiez die fält nicht leiden mag/  
noch die fälte die hieze / seynd zwey widers-  
wertige ding/also mag jetweders dz ander

A iiii

nicht



## Büchsenmeisteren.

mit leiden / tringen von einander mit dem  
stein.

iiij. Ob lützel puluer belder ein Büchs breche/  
oder weiter schiesse/oder ob man sie fülte biß an  
den flozen mit eingestossen puluer

Wenn man die Büchs füllet biß an  
den flozen/mag das fester vnd der dunst  
nicht gnug weite haben den schuß zu vol-  
bringen/biß das fester ein theyl hinder sich  
auß verbrunnen/vnd der dunst den flozen  
außschlegt / Ist aber die büchs den dritten  
theyl biß an den vierdten getheylt/ so mag  
das puluer gemeinlich eins mals brennen  
vnd der dunst sein krafft vollbringen / vnd  
scheusset weiter / vnd bricht die Büchs vil  
ehe davon/ daß der sie füllet mit eingestos-  
sem puluer biß an den flozen.

iiij. Welcherley floz den stein baß treibe/  
vnd wie kurz oder lang/darr oder  
grün sie sollen seyn.

Herte flozen seind nicht gut/ lassen sich  
nicht treiben / gehn doch gern vom Achor/  
Aber ist ein linden holz eins guten fingers  
zu groß / so laßt er sich doch hinein treiben  
biß



## Büchsenmeisteren.

S

biß auff sein statt/ vnd behebt den dunst vil  
baß dann die harten flozen.

Ein floz sol nicht lenger seyn dann er  
breit ist/ Die besten durren flozen/macht  
man von durrem Alberin holz/ Aber grü-  
nen von grünen ärlin oder bircken holz.

v. Ob der stein ferr gang so er hart ligt/  
oder so er lind ligt.

Je herter er ligt/ je ferrer er geht/ Also  
daß er gar wol verstopffet sey/ daß kein  
dunst dauon kommen möge.

vj. Von bitten oder speideln / die man sonst  
Feil/pflock/floz oder spigel neit/ vnd ist dz holz/  
gleich lang vnd dick/das man nach der Kus-  
gel in die Büchse thut/damit die Kus-  
gel nicht wider herauß lauffe.

Welcher stein gerecht in die Büchsen  
gehöret / also daß er nicht mehr weitten  
hat/dann er bedarff vnd gedränglichen/so  
soltu in verbissen mit eychem holz/ Ist as-  
ber der stein etwas zu klein/ daß er nicht als  
so gedrang ligen mag/so soltu in verbissen  
mit dännnen bitten.

vij. Ob dieselben bitten dick oder dänn  
sollen seyn.

A v

Dies



## Büchsenmeisterey.

Dieselben bissen von dännen holz etliche dick / vnd etliche dünn sein sollen / nach dem der stein je weit oder gedrang in der Büchs liege / aber wo du den stein damit verbisest / so soltu die bissen mit einē schrot eisen an dem stein abhawen / also daß die bissen nit für den stein gangen.

viii. Womit man die stein verschuppen sol / daß der danst nicht dauon kommen möge.

Nimm wachs / wächß das tuch damit / vnd drähe es einfach / zu einem seyl / vnd schopff das mit einem guten schoop eyßen (da man die Büchsen mit lādēt) zwischen dem stein / vñ die Büchsen auff die bissen / so fert er weit / Vnd wiß so der stein je baß verschoppet wirdt / so er je weiter feret.

ix. Ob ein Büchs weiter schieß von einerley puluer / oder von zweierley.

Sie scheußt gar vil weiter von zweierley puluer / dann von einerley / Vñ wann du die Büchs ladest vñ ferr schießen wilt / So sihe daß du habest zweierley puluer / vnd thu das gut an den boden / vnd das böser das



## Büchsenmeisterey. 6

ser darauff/ so scheussesiu weiter dann mit  
einer ley/ das thut die widerwertigkeit bey  
der puluer.

x. Ob der Stein den flozen anrühren sol.

Der stein sol hart am flozen ligen. Du  
solt den flozen mit einem tuch bewinden/  
vund vnder augen/ da er gegen die Kugel  
kompt / brennen / vmb daß er hart werde/  
vnd lade den stein hart daran / verbisß vnd  
verstopff ihn wol.

xj. Welchs puluer das best.

Zwen pfund knollet puluer thun mehr  
dan gerhäten puluer drey / machs als hers  
nach geschrieben.

xij Puluer ladung hinder ein jeden stein.

Allweg sol ein pfund puluer ein neuns  
pfündigen stein treiben/ ist aber der Stein  
minder/ so viel gehet auch dem puluer ab.

¶ Wie sich der so mit puluer  
vmbgehet halten sol.

Der dunst vnd dampff ist ein recht gifft  
dem menschen/ vnd ist doch Salpeter/  
Schwefel



## Büchsenmeisteren.

Schwefel vnd Kol / feins sonderbar dem  
menschen schedlich zu niessen / vnd weñ sie  
vnder einander kornen / so schaden sie dem  
haupt vnd dem herzen / vñ besonder so fül-  
let es die leber / wann der aller gröst schade  
daran / ist der dunst / vñnd dampff der von  
dem verbrunnen puluer gehet.

Sihe daß du nit nüchtern damit vmb-  
gangst / hüt dich vor zu viel wein / solt linde  
kost niessen / dann wañ du zu viel mit dem  
zeug vmbgehst / so gewinnestu gern die lās-  
me / Vor essig vnd eyern hüte dich / Was  
feucht vnd kalt ist / dz magstu wol niessen /  
was hart vnd trucken ist / vor dem hüt dich.

Guten Salpeter an den Mauren zu ziehen.

Schüt Salpeter wasser da Salpeter  
in gesotten / an ein feuchte mauer in einen  
Keller / oder da Salpeter gern wachset / die  
maur gewinnet Salpeters gnug / darnach  
so du in abnißst / spreng allweg des was-  
sers an die Maur daß sie davon naß wer-  
de / so wächst er gern.

Salpeter zu ziehen / daß er gar viel besser wechset  
dann an den Mauren.

Laß



Laß dir machen ein rören/ schlauch oder gebachen rör/ als groß du wilt / die vol kleiner löcher sey/ vnd nimm ein pfund wein stein/ vñ ein halb pfund salk / od gleich als viel salk als weinsteins/ vnd kalc dreymal als viel/ vñ eins mans harn / der von wein sey/ mach darauß ein teng/ streiche das inwendig an die rören/ stells an die Son/ an dem vierdten tag geuß die materi wider darauß / vnd hencf die rören in ein Keller/ so wechset guter Salpeter herauß.

Den neuen Salpeter zu leutern.

Leg in in ein siedends wasser oder wein/ oder in starcken Essig / ist besser dann der Wein / rüre es vnder einander mit einem stecklin / laß kalt werden / geuß das wasser durch ein dick tuch/ daß es lauter sey/ Thu dann dasselb wasser vber ein feur / laß sied den als man fisch seudet / seihe es darnach durch ein dünn tuch/ laß es kalt werden/ so gestehet der Salpeter zu zapffen / schütte dann das wasser oder wein oder den Essig darab/ vnd laß den Salpeter trucken werden/ so wirt er gut.

Ob



## Büchsenmeistery.

Ob der Salpeter nach dem sieden nit gestehen  
wil/womit man in darzu bringen mag  
daß er gesteht.

So Salpeter nach sieden nicht gestehn  
wil / das geschicht / so man zu viel wassers  
oder wein oder essig daran thut / so nimmt  
man's harn / der wein getruncken habe / vñ  
je älter der harn / je besser er ist / lege Salz  
darein / vñ seude den Salpeter / als vor /  
so gestehet er vñ wirdt lauter.

Wilden Salpeter der da hart gezapffet ist zu  
reynigen vñ zu leutern.

Salpeter der da wild ist auß den ber-  
gen / vñnd der groß hart zapffet ist / lauter /  
fein vñd gut zu machen / Gib in zu malen  
in ein Mülen / vñd wenn er klein gemalen  
ist / thu ihn in ein Kessel / geuß als dich das  
Buch hernach leret / rüre es vmb / laß es  
drey tag stehn / nach den dreien tagen so  
thu ihn vber ein feur / vñ seud ein die zwey  
theil / geuß das vberig durch ein tuch / was  
dañ in dem tuch bleibt seude in einem star-  
cken essig biß dz halb theil eingeseud / geuß  
in daß aber ab / laß es gestehn daß es kalt  
werde /



## Büchsenmeisterei. 8

de/geuß denn das wasser oben ab / so hastu  
schöne salpeterzapffen / die laß ertruckne.

Salpeter zuleutern / schlag ihn durch  
ein reuter / was in der reuter bleibt / seud  
anderst in manns harn als lang als man  
fisch seud/geuß ihn ab / laß in stehen biß er  
kalt wirt/ Zu dem andern mal seude ihn in  
wein als vor/ Zu dem dritten mal seud ihn  
in tropff essig / als vor. Zu dem vierdten  
mal seud ihn in tropff wein / als vor / also  
hastu den Salpeter berent/ in dem vierd-  
ten grad / Doch schüt nach jeglichem sie-  
den das Salpeter wasser gar ab.

Vbel geleuterten Salpeter zn leutern.

Ein Kessel mach gar schön/ thu darein  
lauter brunnen wasser / laß warm werden  
biß dich dunckt es woll schier sieden/ schüt-  
te dann den Salpeter darein/ laß in sittig-  
lich sieden/ daß er nicht vberlauffe/ Hat er  
dann schaum den wirff wol sauber darab.  
Dann wann er zwen wall oder drey thut/  
nim ein saubers hölklin / stoß darein vnd  
trieff die tropffen auff einen glüenden ko-  
len



## Büchsenmeisterei.

len oder brandt / brennen dan die tropffen  
die von dem hölzlin fallen / so hat er sein  
gnug.

Möchtest es sonst auch wol versuchen/  
wan du nimest vier helmlin / oder fünffe/  
vnd stießests in den Kessel / vnnnd ließest die  
tropffen auff hosen fallen / oder auff ein  
wüllen tuch / werden denn die tropffen an  
dem tuch wie Eiß tröpfflein / so hat er sein  
aber gnug. Darnach laß den Kessel vbers  
schlagen / daß er kühl werde / seihe in inn ein  
schön geschirz. Darein magstu wol legen  
vier hölzlin / set es da niemandt hab zu  
wandeln / vnd laß es stehen zwen tag oder  
zwo nacht / so sihestu wol ob sichs habe an  
gehencet oder nicht. Hat es sich dan anges  
hencet / so seihe das wasser in ein sauber  
geschirz / vnnnd nimm den Salpeter vnnnd  
trückne den in einem Becken / oder were  
sein als viel / auff einem lederlache in einer  
warmen stuben / od an einer heissen Son  
nen / so wirt es gut vnd gerecht. Hüte dich  
allezeit vor Schmalz / darzu nimm das  
ander



## Büchsenmeisteren.

9

ander wasser das du abgesehen hast/ vnnnd  
seud es anderst in einem Kessel/ vnnnd thu  
im gleich als vor geschrieben steht/ Was  
dañ drinnen blieben ist/ das samlet sich/  
daß du es auch findest.

Kohen vngelenterten Salpeter zu leutern.

So nim ein scharpffe laug/ oder thu  
falck in ein far/ vnd geuß wasser daran/  
rüre es vmb mit ein stecken als ein falck/  
vñ laß es stehn vber nacht/ so wirts dester  
leuterer/ thu das darnach in ein schönen  
Kessel/ vnd heneß in vber ein feuer/ vnnnd  
wenn es warm wirdt so schüt den Salpes  
ter darein vñ laß in wol sieden/ greiff mit  
einem löffel an den boden/ dann was stein  
darinn sind/ die samlen sich an den boden/  
die thu heraus vnd schein in wol/ vnnnd  
lug daß es nicht vber gang/ vñ daß nichts  
schmalzigs darzu komme.

Vnd wann du versuchen wollest/ ob er  
sein gnug habe/ so stoß ein sauber hölzlin  
darein/ vnd treiff es auff ein glüenden for  
ten/ brent es dañ so hat es sein gang/ oder

**V**

versuch



## Büchsenmeisterei.

versuch in mit helmlein an einem wällent  
tuch/ werden dann die tropffen als eyß/ so  
hat er sein aber gnug. Darnach thu es vñ  
feyr vñd laß es erkülen / vñ seihe es durch  
ein dick leinen tuch/ oder durch ein silkhut  
in ein sauber becklin. Were sein aber als  
vil so seihe in in ein schönes far/ oder in ein  
weiten zuber / vñd laß es stehen ein tag vñ  
ein nacht an einer statt / da man es nit an-  
rüre/ vñ leg oben etwan wenig hölzlin dar  
ein/ vñ so es also gestanden sey ein tag vñd  
ein nacht / so lug dann darzu ob es sich ge-  
samlet hat / vñd laß dennoch ein tag vñd  
ein nacht stehn / vñ seihe das wasser in ein  
sauber geschirz / vñ trückne den Salpeter  
in ein schönen becklin auff ein offen oder  
auff einem lederlachen/ vñd niñ das du ab-  
gesigen hast / seud das anderst vñd laß das  
lenger sieden dann vor / vñd thu im gleich  
als du im vor gethan hast / was dan darin  
ist das samlet sich / daß du es auch findest.  
Was natur Salpeter hat/ vñd welcher der best.

Salpeter ist von natur kalt im vierden  
grad/



grad / Das ist in viererley weise genandt/  
Der Salpeter wächst in dem feld/an her-  
ten steinen / als Allaun / als hert vnnnd als  
weiß/ vnd schad jm kein regen. Der dritte  
Salpeter wächst gern an den mairn / vñ  
in den kellern die da feucht seind / derselbe  
ist auch der best. Du solt wissen daß Sals-  
peter ein Salz ist/ vnnnd heist nach Latein  
Steinsalz / vnd heist fast / vnd wenn er ge-  
leutert ist / so heist er nit mehr Salpeter/  
er heist darnach Salniter / wann er wurde  
als kalt vnd trucken von dem sieden/wo in  
hitz ergreiffet daß er da nit bleiben mag von  
der grossen keltin wegen so er an ihm hat.  
Der Schwefel ist von natur heysß vnnnd  
trucken/vñ empfahet gern das feuer/ Das  
selb behelt aber das feuer / so mag dan sal-  
peter bey hitz nit bleiben. Also ist es auch  
vmb das Quecksilber vnd vñ etlich stück  
mehr/die feuer nit leiden mögen. Son-  
derlich solt du dich allweg hüten vor dem  
frischen weissen Salpeter.

Wie man Salz von dem Salpeter  
scheyden solt:

W ii

Wiltu



## Büchsenmeisterei.

Wiltu Salpeter starck vnd gut mas-  
chen / so nim Salpeter als vil du sein ges-  
haben magst / vñ thu den in einen saubern  
Kessel / vñ thu so vil wein oder essig dazzu /  
daß es oben bloß vber den Salpeter gehe /  
rür in vnd misch in gar wol vnder einan-  
der / vñ stöß ein rutē darein / miß den wein  
oder den essig / vnd zeichen daß halb / vñ  
seud das auch halb ein / biß an das zeichen  
der ruten. Vnd wenn du es also gesotten  
hast / so geuß den wein od essig ab / vnd sei-  
he dā sauber ab / als vor geschriben steht /  
so findestu das saltz an dem boden in dem  
Kessel. Der Salpeter gesticht in dem was-  
ser / den soltu nemen vñ solt in wol dörren  
an der Sonnen / so hastu guten Salpeter.

Salpeter zu leutern / Saltz vnd Alaun dauon  
zuscheiden / Vnd ist die bestelere so  
vor oder nach ist.

Nim zwey pfund vngeleschten Kalck /  
ein centner Hispanicum / ein centner Ga-  
likenstein / zween centner Saltz vnd mach  
darauf ein laug von wein oder essig / vnd  
laß die laug drey tag stehen daß sie lauter  
werd



## Büchsenmeisterei.

11

werde/ Darnach thu den Salpeter in ein Kessel als vil du wilt / vnd thu dieser laug darunter daß die laug bloß vber den Salpeter gehe / vnd misch das alles als vor geschrieben steht / vnd seud das gleich halb ein / vnd geuß es dann ab / so findestu den Alaun vnd Salz / vnd alle unreinigkeit an dem boden in dem Kessel / vnd laß das Salpeter wasser / das davor ein laug ist gewesen / kalt werden / so stehet der Salpeter wie gefroren Eys / vnd wann er also gestanden ist / so schütte die laug ab / vnd trückne den Salpeter an der Sonnen / so hastu gar guten wolgeleiterten Salpeter / es geht sein vil ab / man gibt desselben Salpeter ein centner gar theur. Aber ein pfund desselben Salpeters hat mehr kraft vnd künheit / vnd thut auch mehr warzu man in brauchet / dann sonst funff pfund thun möchten.

Ob Salz vnter geleiterten Salpeter keme  
oder gemischt were / wie man daß da  
von scheyde.

Nimm den Salpeter / leg in in ein fals

B iij tes



## Büchsenmeisteren.

tes wasser/ also daß das wasser nur bloß vber den Salpeter gehe. Aber du solt den Salpeter mischen mit einem holz ehe daß du das wasser daran thust / so zergeht das salt/vñ bleibt der Salpeter im kalten wasser / wann Salpeter mag im kaltem wasser nicht zergehen / Er gesteht wol von kälte / vnd geuß das wasser ab / vñnd laß den Salpeter wol erseihen / vnd thu in an die Sonnen/daß er wol trucken werde / so veragehet er sich dann wol für gut.

Rohen Salpeter recht zu leutern vñnd zu sieden.

Nimm lebendigen salt / vñnd thu in in ein regenwasser oder in schön wasser / vñnd laß in darin stehn drey tag vñnd drey nacht / so wirt ein laug dauon / Die laug nimm lauter vñnd schön / vñnd thu den rohen Salpeter darein / der vor nicht geleutert vñnd nicht gesotten ist / vñnd seud ihn biß das viertheil des wassers einsied / dann so spreng ein wenig wasser auff die glüenden kolen / gehet daß blawes fewr davon / so hat er sein genug /



genug / Dann geuß das wasser ab in ein  
schöns geschirr / vnnnd laß kalt werden / so  
findestu geleuterten Salpeter im Kessel.

Salpeter gerecht / lauter vnd gut zumachen.

Nimm der vorgeschrieben laug / vnd thu  
den Salpeter darein / vnd laß ihn als lang  
sieden als man fisch seud / vnnnd geuß ihn  
dann ab in ein schön becken / vnd laß in kalt  
werden / vnd schütte dann die laug auch ab  
dem Salpeter wider in kessel / vnnnd laß sie  
den biß das viertheyl oder der halb theyl  
einsiede / vnd das thu den aber ab dem feus  
er / laß es kalt werden vnd geuß es dann  
aber ab / vnd nimm den Salpeter heraus /  
dörz in fast wol. Also soltu den guten sal  
peter leutern / der vor auch geleutert ist.

Wie man etwan viel Salpeters leutern sol.

Nimm lauter wasser oder wein / vnd thu  
den Salpeter darein / Also daß der Sals  
peter nicht feist werde / vnd daß das wasser  
bloß ein finger für den Salpeter auffge  
he / vnnnd thu ihn vber ein feuer / vnd so er

B iij anfahet



## Büchsenmeisteren.

anfahet zu sieden/ so nimm vnd thu zu ein  
nem centner ein pfund Salarminiac/vñ  
fünff loth spangrün/oder als vil gute Ga  
lizenstein/ vnd seude ihn in der lauge / als  
dich diß Buch dauor gelert hat/ vnd geuß  
dann das ab/ vnd laß den Salpeter gestes  
hen/ vnd thu das wasser dan vber ein few  
er/ vnd seud das aber als vil als vor / vnd  
thu aber ein pfund Salarmoniac darein/  
Vnd so es gesotten sey als vor / so geuß  
es ab vnd laß es gestehn/ Nimm den Sals  
peter heraus / vnd laß in wol trücknen/ so  
hastu guten wol geleuterten Salpeter.

Salpeter zu leutern vnd zu sieden/der vor  
auch geleutert ist / vnd nicht genug.

Nimm Salpeter als vil du sein gehas  
ben magst/vñ thu den in einen guten Kes  
sel/leg in eben/vnd nim dann ein hölklin/  
miß den Salpeter wie vil es sey / vnd als  
fer er zeichnet ann dem hölklin / da stupff  
ein löchlin/vñ mehre das zeichendren fins  
ger brent hoch vber sich auff / vñ stupff a  
ber ein löchlin/vñ nim fast guten essig/vñ  
thu



thue des als vil darein/ biß der essig gehe an  
das ober löchlin/ vnd thu dann den Kessel  
vber ein klein feur/ vnd so es anfacht law-  
en/ so faim die vn sauberkeit oben gar wol  
ab/ Vnd so es er wallen wölle/ so nim  
Galikenstein/ vñ leg des ein stück darein/  
vnd laß es dann wol erwallen/ vnd rüre es  
von anfang sittiglich/ Vnd so der Salpe-  
ter vberall zergangen sey so nim den Kes-  
sel ab dem feur/ setze ihn an ein heimliche  
stat/ da es kalt sey/ vñ niemand wädel dar-  
zu hab/ auff das dir nichts darein kömme/  
daß was vorsteht/ vnd so er ein kleines vñ  
verschlegt/ so geuß in ab in ein sauber ges-  
schirr/ vnd laß in kalt werden/ Vnd so der  
essig erkalt/ vnd der Salpeter darinn ge-  
steht/ so nim den Kessel/ vñ geuß den Es-  
sig lauter vnd schön ab/ so hastu ein guten  
gescheiden vñ wolgeleuterten Salpeter/  
vnd laß den Salpeter in dem Kessel/ vnd  
thu in zu einem ofen der warm sey/ vñ fer  
in umb/ das er wol erseihe vñ trüekene/  
nim dann den ertrüekneten Salpeter/

V v vnd



## Büchsenmeisterey.

vnd leg in zu einem ofen auff ein leder las-  
chen/ vnd laß ihn wol dürr werden/ je dürr-  
er er wirdt/ je besser er wirdt.

Prob vnd bewerung deß Salpeters/ wann  
ergemug geleutert sey.

Nimm den rüßstab oder deß zergangen  
Salpeters auß dem Kessel/ vnnnd spreng  
das vff die glüenden kolen/ geit es gut  
frisch wurck/ vnnnd in etlicher maß blawes  
feyr/ so ist der Salpeter fein vñ gut/ Aber  
den schönen lauterer abgossen effig soltu  
thun in einen schönen Kessel/ vber ein zim-  
liches feyer/ vnd laß ihn sieden biß er hal-  
ber ringesotten sey/ vnd nimb in dann ab  
dem feyer/ thu damit gleich als du mit  
dem vorigen gethan hast. Dan allein so  
er gestand/ so magstu wol den lautern es-  
sig abgießen vnd in behalten.

Salpeter der vor ein mal geleutert ist/ in  
dem andern sudte zu leuteren/ daß er sich schön  
reynige vnd scheide von allem dem das nicht zu  
ihm gehört/ vnd das nit fehlen kan/ noch mag/  
vnd daß es guter gerechter lauterer  
Salpeter wird/ vnnnd ist  
auch die best kunst.

Nimm



Nim Comula oder Alumen Hispanis-  
eum/Vitriolum Romanum/vñ sal com-  
mune / leg es in dem andern sieden deß  
Salpeters ein/ das ist fast nük/ist auch dz  
aller best zum scheyden deß Salpeters / dz  
jemand haben mag/vnd das bewere ich als  
so / Alumen das zeugt zu ihm vñnd theyle  
sein gleichs / als Alaun den man inn den  
Salpeter leget/ so man ihn mehret / Sal  
commune das zeuhet zu im/ vñnd theilt sein  
gleichs/ als Salem siluestrem / Hispania-  
cum / vnd vitriolum Romanum/auffhea-  
ben ein jeglich specien oder materi / vñnd  
von den vorgenanten specien muß es sein  
würcken/lauff vnd theilung haben. Vnd  
wiß rechter warheit daß diß nicht fehlet.

¶ Ein lehre soltu wissen/je dicke vñnd  
je mehr du den Salpeter leuterst vñ schei-  
dest je minder dir deß Salpeters wirt/vnd  
schwindet fast / aber wer ihm also thut / so  
wirt der / der aller künest vnd best Salpe-  
ter/den jemandt gehaben mag/vnd wirck-  
et damit fast wol.

Wo



## **Büchsenmeisterei.**

**Wo bey man erkenne / ob der Salpeter ge-  
nug geleutert sey oder nicht.**

Nimm sein ein wenig vnd leg in auff  
ein glüenden kolen / brennt er dann schön  
ohn springen / vnd das er nicht vber sich  
plaset / so ist er gut vnd gerecht / Brennet  
er aber nicht schön vnd plaset vber sich /  
das ist ein zeichen / daß er nicht genug ge-  
leutert ist / den leuter mehr.

**Wie man den Salpeter versuchen sol / ob er  
mit Salz gemischt sey oder nicht**

Wiltu Salpeter versuchen / ob er mit  
salz gemischt oder gefelschet sey / So nimm  
sein als ein halb welsche nuß / vñ lege das  
auch auff ein glüendē kolen / oder auff eis-  
nen brant / der wol glüet / brennet er dann  
schön auff den kolen oder brant als ob er  
vnter sich wölte / so ist er on Salz / vnd ist  
gut vnd gerecht / plaset er aber vber sich /  
das ist ein zeichen daß Salz darbey ist /  
vor dem hüt dich.

**Wie man Salpeter ohn feur bewerren sol /  
ob er mit Salz vermischer sey.**

**Auch möchte man Salpeter wol vers-  
suchen**



suchen ohn feuer / Wer Salpeter neme  
als groß als ein welsch Nuß / vnd thet das  
in ein saubers schüßlin das mit schmalkig  
sey / vnd geuß daran ein wenig wasser das  
lauter vnd kalt sey / vnd laß in ein weil das  
rinn ligen / vnnnd wan das geschicht / so sei-  
he das wasser ab / vnnnd versuche es in dem  
mundt / Ist das wasser gefalzen / vnd hat  
der Salpeter fast abgenommen / also daß  
sein vil minder ist dann vor / das geht von  
Salt zu / Ist sein aber nit minder dann  
vor / vnd ist das wasser nicht versalzen / so  
ist er gut vnd betwert / on zweifel / das mag  
stu wol kauffen.

Salpeter zu kauffen / der erst von Venedig  
kompt / daß man nit betrogen werde /

Es ist ein besonder kunst Salpeter zu  
kauffen / als er erst von Venedig kompt.  
Wann du kompst vber ein geschirr mit  
Salbeter / so stoß die hand darein / wirt sie  
dann feucht vnnnd naß / so ist er nicht gut /  
bleibt sie aber trucken / so ist er gut.

Guten Salpeter zu erkennen.

Vers



## Büchsenmeisterei.

Versuch in mit dem mund/ ist er dann  
süß/ bitter vnd gesalzen/ so ist er nit gut/  
Ist er aber fast pikentlich vnd scharpff/ so  
ist er gut.

Wie man Salpeter kauffen sol.

Welcher Salpeter glatzapffet ist/ der  
selb ist gut/ deß magstu wol kauffen/ aber  
welcher Salpeter rauchzapffet/ der ist nit  
gut/ vnd roher milder Salpeter ist nit gut.

Wie man Salpeter kauffen sol/ der  
nicht genug geleutert ist.

Ein besonder kunst ist auff Salpeter zu  
kauffen/ der noch nit recht auff sein statt  
geleutert vñ gescheiden ist/ als er von Ber-  
niedig kommen ist/ merck wol/ man finde  
Salpeter/ guten/ bessern/ den aller besten  
Salpeter/ man finde der gemengt ist mit  
Alaun/ Der ist im munde weder zu bitter  
noch zu süß/ Kanstu dann den Alaun wol  
von dem salpeter scheiden/ so magstu deß  
wol kauffen/ aber sein wirt lügel/ vñ must  
in doch theur kauffen/ vnd versacht weder  
Alaun noch das Salz gleich nichts.

Co



Es ist wol denen gut/die den Salpeter  
verkauften/Waß sein wirt vil an dem ges  
wicht/aber lükel an der schendung vñ leu  
terung. Man find auch Salpeter/der nit  
gemein gut ist/dañ daß er ein wenig gröbs  
lich geseubert vnd geleutert ist / gleich als  
er nun von dem berg vnd stein kornen ist.  
Vnd derselb ist zu erkennen in dem munde/  
gar fast ist er bitter/vñ empfindestu weder  
Salz noch Alaun dariñ/vnd er ist lauter/  
dē soltu kauffen/je leuterer je besser. Waß  
der leutert vnd scheidet sich gern fast wol/  
vnd wirt besser davon dann auß dem vori  
gen. Man findet Salpeter / man sol ihn  
suchen bey brüchen der taugstein od sonst  
in steinhölern vñ löchern der berge/als an  
feuchten mauren die vnderweiln ertruckes  
nen vñ ober etwa lang wider naß werden.

Welcher Salpeter der aller Prefftigst sey.

Du solt wissen mit rechter warheit/daß  
der wild Salpeter nicht also vil krafft hat/  
als der salpeter der wächst in den heusern/  
vñ in den fellern an den feuchten mauren/  
die



## **Büchsenmeisteren.**

Die vnderweilen ertrücknen / vnnnd etwan  
vber lang wider naß werden.

Vnd wann du heymischen Salpeter  
wol vnnnd recht leuterst / so thut sein ein  
pfundt als viel mit seiner krafft von fünf  
heyt / als deß wilden salpeters drey pfund  
thun möchten.

Welcher Schwefel der best ist / vnd darnach  
wie man inen noch stercker machen  
sol denn er vor ist.

Lebendiger Schwefel ist der allerbest  
Schwefel / wann er ist starck vnd gut / vnd ist  
auch schnell zu ferner / vnnnd braucht man  
sein nicht so viel vnter puluer / als deß an  
dern Schwefels / als hernach folget.

Wie man Schwefel bereyten sol / daß er zu dem  
Büchsen puluer vnd zu allem fernerwerck  
nützlicher / krefftiger vnd hitziger  
wirt dann vor.

Wiltu guten Schwefel machen / so  
nimmb weissen schwefel auß dem fram / vñ  
zerlaß den in einem iriden geschirz / daß er  
wol zergang / vnd nimmb zu einem pfunde  
Schwefel ein loth quecksilbers / das mit  
Schwefel



Schwefel getödt sey / vnd rür das vnder  
einander / vnd darnach geuß den schwefel  
in guten gebrenten wein / so wird er so viel  
dester trückner / hitziger vnd besser.

¶ Also hastu welcher Schwefel der  
best ist / auch wie man in besser vnd kress-  
tiger halten sol / den er an im selbst ist.

Nun folgt hernach / wie man aller beste  
Kolen sol machen / so man gehalten mag.

Nimb weiß tannen / albern oder linden  
holz / das frisch sey / mach drauß scheitter  
dörre sie in einem Bachofen / verbren sie  
zu eytel Kolen / doch daß die scheidter kein  
ast haben / Nimm die Kolen also frisch / thu  
sie in ein beck / lech die mit gebrenten wein  
vnd stürz alweg ein becken vber das an-  
der / daß dich die flammen nit verbrennen.

Kolen kräftigen vnd stercken / daß sie in  
dem puluer nicht verderben.

Atrament sterckt die Kolen / Wann es  
geschicht vil / daß das kol in Büchsenpul-  
uer verdirbt / dabey Atrament nicht ist.

Die besten Kolen machen zu zündpuluer.

E

Nimb



## Büchsenmeisteren.

Nimm ein verschlossen tischlachē/ schön  
geweschen / verbrens inn ein irdin hafen/  
setz den hafen inn ein heissen ofen / darinn  
ein feur sey / daß das tischlach darinnen  
verbrennen mög / solt den hafen wol be-  
decken / daß der dunst nicht dauon möge/  
Das ist vber alles fol.

Mancherley weise gut Büchsenpuluer  
zu machen.

Nimb vier pfundt Salpeters / zwey  
pfund Schwefels/ ein pfund kolen/misch  
es wol vnder einander / das heist ein ge-  
mein puluer.

Wiltu machen ein besser puluer vnn  
sterckers / So nimb fünff pfundt Salpe-  
ters/ vnd zwey pfund schwefels/ ein pfund  
kolen / vnn mische es durch einander fast  
wol.

Wiltu machen noch ein besser puluer/  
damit man weiter scheußt / vnn stercker  
schiessen mag/ dann mit der vorigen einē/  
so nimb sechs pfund Salpeters/ vnd zwey  
pfundt Schwefels/ vnd ein pfundt kolen/  
Das wirt ein gut starck puluer.

Büchse



Büchsenpuluer herten vnd zu röschem  
Knollen puluer machen.

Wenn du es wol mischest durch einander / welcher mischung du es gern hetst / so thu sein in ein grossen mörser / oder in ein stampff / als viel du darinnen gemachen magst / vnd begeuß den mit gutem weinessig / vnd stoß in wol durch einander mit einem hülkin stössel / machs also feucht mit dem essig / daß es sich laß zusammen trucken vnd ballen / wie groß du dann die knollen puluer wilt haben / darnach nimb ein vergläßt sinwel tieffs tiglin oder ein nepflin / oder ein kúpfferin schal / truck es also naß darein / als der einen käß inn einem napff taucht. Vnd stürke es dann vmb auff ein bret / so geht er gern auß / der puluerknollen magstu machen als viel du puluers hast. Ist es im heissem Sommer / so mag man die knollen wol dörren an der Sonnen / Were deß nit / so müst man sie dörren inn einer stuben / die müst man sänfftiglich wermen / auff zehen tag / Die knollen sol

E ij man



## Büchsenmeißeren.

man legen in ein dürr faß oder lägelin/  
setz es an ein truckne statt/das es nit feuch-  
te hab/ Das puluer nimpt nit ab / vnd ist  
gut wie lang es wert. Vor allen dingē sol  
man es behüten vor feuer vnd liecht/wan  
es kündts niemandt erretten.

Wie man puluer machen sol / zu Büchsen vnnnd  
zu fwerpfeilen / das gar gut wirdt.

Stoß den Salpeter besonders als klein/  
daß er sich räden laß durch ein engs pfes-  
fer sieb/magstu es nicht gehalten/so nimb  
ein weiten rocken beutel/ vnnnd beutel ihn  
dardurch in ein schaff / vnnnd was in dem  
beutel oder sieb bleibt/das stosse mehr/ biß  
daß du es alles hindurch mögest bringen/  
vñ thu den beutelten Salpeter besonder/  
darnach thu dem schwefel / als dem Sal-  
peter/vnd thu ihn auch besonder/ vnd den  
kolen gleich also/ laß jedes besonder/vnnnd  
misch nach dem gewicht durch einander/  
als vor geleret / oder nach dem gewicht/  
als du hernach gelert würdest.

Knollen puluer vnd gut schwefel  
Fertzen zu machen.

Nimb



## Büchsenmeisterey.

19

Nimm zwey pfund Salpeters/ein pfund Schwefelkerzen/ein vierling Kolen/zerlaß den Schwefel in einem Tigel/ schütt den Salpeter vnnnd Kolen wol gestossen darein / vñ zeuch einen grossen faden dar durch/das werden die aller besten Schwefelkerzen/Auch laß es kalt werden in dem Tigel/ so hastu das aller best knollen puluer.

Das aller best Büchsenpuluer zumachen/  
das nimmer verdirbt.

Dritthalben centner Salpeter/ein centner Schwefel/stoß vnder einander/wege es dann auß mit einer rechten wag / vnnnd nimm allweg acht theil Kolen / vnd dreissig Salarmoniac / vnd den halben theyl als Salarmoniac siliterginis / stoß vñ misch das vnter einander. Vnd nimm je zu dreissig pfunden zeugs / drey lot de mercurio sublimato/ ein lot campffer/fünff lot Arsenicum. Thu ein wenig Salpeterwasser darzu/vnd nicht zu vil/stoß das damit ab/du solt der stück feins rüren / vnd solt das puluer in knollen lassen/vnd gar wol dör-

E iij

ren/



## Büchsenmeisterei.

ten / ist dann der Salpeter wol geleutert  
vnd sind die andern stück auch gut / so ver-  
dirbt das puluer nimmer.

Ein gewisse rechte lehre auff Büchsenpuluer ge-  
recht vnnnd gut zu machen.

Lege auff beyde schüsseln einer wag gu-  
ten geleuterten Salpeter gegen einander /  
gleich wegend / nimb dann ein Salpeters  
theil ab der wag / leg denselben theil hin /  
vnd gegen dem blieben Salpeter / lege so  
viel guts frisch Schwefel / Wenn das ge-  
schicht / so lege den Salpeter hin / nimm  
dann den blieben theil des schwefels / theil  
in in gleichs gewicht / Vnd wenn das ge-  
schicht / so leg ein theil schwefels hin / vnnnd  
laß den andern bleiben / vnd leg den blieben  
nen theil des schwefels zu / an gleichem ge-  
wicht / so viel tannen oder linden fol. Vnd  
lege den theil des folen / vnnnd den blieben  
schwefel theil gen einander / jeglichs ge-  
wicht so viel des obgeschriebenen fols. So dz  
geschehen ist / so nim darnach all obgeschri-  
bene theil / den Salpeter / den schwefel vnd  
das



das krole / vnd misch alles vnder einander /  
stosß es fast wol / je mehr du es stössest / je  
kleiner vnnnd je schneller das puluer wirt /  
vnnnd laßt auch deßter baldter wann es an-  
gezündet wirt / vnd dörre das puluer wol in  
einem becken in einer warmen stuben / vñ  
thu es dem ofen nicht zu nahe / wann es  
empfachet von hiß gleich als vom feurwer.  
Also hastu ein gewiß gewicht / vnd wie du  
den zeuge solt außwegen / vnd sahe aber an  
zuwegen andern zeuge / vnd thu gleich als  
vor. Merck diese lehr eben / wann sie ist die  
beste vnd gewiffest.

Wie sich der zeug schicket von dem  
stossen.

Wenn du den zeug stössest / so wirdt er  
vnder einander verwandelt / vnd wirdt ein  
wenig feucht / das soltu nit achten. Wann  
es genug sey gestossen / so nimme es vnnnd  
dörre es wol / so werden groß knollen da /  
vnd erhebt sich der zeug an einander.

Die knollen laß bleiben / wenn deß zeug

E iiii

vero



## Büchsenmeisterei.

verdirbet vil minder an den knollen / wann  
so er geraden wirt.

Verdorben puluer wider gut zu machen.

Ist ein puluer verdorben von alter / vn̄  
ist dannoch der Salpeter darinn / vn̄ gut /  
So nimm das puluer / seuds mit gutem  
wein / rürs fast biß sichs vor dick nit wolle  
lassen rüren / vnn̄d thu dann darzu frische  
kolen als vil du sein bedarffest / vnn̄d thu  
das dann in ein härin sack / henc̄ den sack  
in ein heisse stuben / biß das puluer wol  
getrücknet.

Böß puluer von ein ander scheyden /  
vnd widerbringen.

Nimm das puluer / vnn̄d thu das in ein  
zwilchen sack / vnd thu wein in ein Kessel /  
seud daß der wal vbergang / heng den sack  
mit dem puluer darein / so geht der Sal-  
peter in den wein / vn̄ bleibt der schwefel in  
dem sack / schütte den wein ab / daß er kalt  
werde / vnd nimb den Salpeter heraus /  
vnd seud den wein anderst / vnd thu Sas-  
larmoniac darzu / so scheidet es sich.

Der



Verdorben puluer wider zu bringen.

Es geschicht vil / daß puluer von alter böß wirt / vnd das kol zu feucht wirt / oder das puluer verdirbt / dem soltu also wider helfen: Nimm guten gebranten wein / vnd solt darin fiden Salpertia, vñ Salpeter / gleich / vnd solt das puluer also mit heißem fidentem Wein beschütten / vnd das dar nach gar wol stossen / vñ solt nemen ir den häßen / vnd die damit füllen / wol gestossen / die häßen wol vermachen / vnd setzen in einen Backofen / der nicht zu heiß sey / vñ das puluer inn den häßen wol trucken worden sey / Nimm es dann heraus / vnd vberstoß das ein wenig / vnd nit zu vil / so kompt das puluer aller ding wider zu jm selber / vnd wirdt besser dann es vor je gewesen.

Ein gewisse vñ gute lehre / wie du die drey stück / Salpeter / Schwefel vnd Kol / wenn sie gestossen / vñ zu einem Büchsenpuluer vnder einander gemischt seind / wider von einander scheides / daß du jeglich stück besonder / von dem andern nimmst / als ehe sie vnter einander gemischt werden.

C

W



## Büchsenmeisterei.

Wiltu Büchsenpuluer von einander  
scheiden / also daß du den Salpeter als  
weiß hast / als vor / vñnd den schwefel den  
andern weg / vñd das fol den dritten weg /  
vñ das jeglichs als frisch sey / als es vor ist  
gewesen / So nim das puluer als viel du  
wilt / vñd thu das in ein heissen essig / daß  
ein drittheil vber das puluer gehe / vñd laß  
es ein weil stehn / fain dann den fol ab mit  
einem tüchlein / das gespannen sey zwischē  
einem gäblin / vñd schütte darnach den es-  
sig in einen zwischen sack / so geht der essig  
darinn der Salpeter zergangen ist durch  
den sack / vñ bleibt der schwefel in dem sack /  
wann der schwefel mag im wasser nit zer-  
gehen / noch von keiner feuchte / als Sal-  
peter thut / der schwefel mag auch nit ver-  
derbē / Darnach so der sack erseihe / so well  
den essig / seud in in der maß als man fisch  
seudet / lasse den darnach kalt werden / vñd  
gestehen / Seihe dann den kalten essig ab /  
so findestu den Salpeter an zapffen. Den  
schwefel soltu wol erwaschen auß wasser /  
so



so wirt es als lauter als vor / aber das beste  
schendwasser in dem essig / so du ihn in der  
erste ewehlest / so thu darein Spangrün/  
vnd Galikenstein.

Welches im puluer / vnder den dreyen stücken  
zu viel sey zu erkennen / vnd wie man solchs  
wider bringen / vnd gut  
machen sol.

Ob dir ein puluer vnder dein handt  
kompt / das zu vil Salpeters oder Schwes  
fels / oder kolen zu vil hat / wiltu wissen wel  
ches stück zu vil da ist / so breñe das puluer  
als groß als ein welsch baumnuß / auff ei  
nem glatten stein / Ist denn deß Salpeters  
zu viel / so bleibē weiß rote kügelein darauff  
dem stein faren. Were dann deß schwefels  
zu viel da / so brennt der Schwefel allweg  
langsam / darnach so verbrennt das puluer /  
Es sey dann daß der Schwefel nicht wol  
gestossen sey. Were dann der kolen zu viel  
da / so bleiben die kolen also rohe / vnd als  
ein ruß mit grosser vn sauberkeit. Bey den  
vndersehenden verstehestu wol welches zu  
viel da ist.

Ein



## Büchsenmeisterei.

Ein anders verdorben puluer  
wider zubringen.

So du ein puluer schendest/vnd es wie-  
der vnder einander temperirn wilt/so nimm  
zwen pfund deß Salpeters/vñ ein pfund  
schwefels/ als er dir in dem sack blieben  
ist/vnd der foln nach seinem gewicht/ das  
nim vecht vñ thu sonst nichts darzu / wann  
du das abstossest in Aceto distillato, vnd  
laß dann das puluer darnach gar ertrucke-  
nen an der Sonnen / vñnd thu Confor-  
tatorium, darzu / als dich das Buch hers-  
nach auch leren wirt / so hastu auß bösem  
puluer fast gut puluer gemacht vñnd er-  
neuert.

Das weitschiessendest puluer zu machen.

Nimm drey pfund Salpeters/ein pfund  
grawes Schwefels/zween vierbung folē/  
ein zwentheil eines quintē deß weissen Opo-  
periment/stoß das klein zusammen / vnd  
nim ein quārtlin einer maß gutes brentes  
weins/vñ campffer ein halb quint / laß es  
vñnd einander sieden/vñnd wann es kalt  
werde/so schütte es vñter das puluer/ vnd  
stoß



## Büchsenmeisterei.

23

stosß das ab/laß es wol trüffenen/ so hastu  
das weit schießendest puluer das jemandt  
gehaben mag.

Ein starck puluer zumachen.

Nimm drey pfund Salpeters/ein pfund  
grawes schwefels/vñ zween vierdung fos-  
len/ als vor / vñ misch dz vnder einander/  
vnd thu das in ein gläßlin/ laß das dañ ge-  
ston/vnd nimb rot Salarmoniac album/  
vnd püluer das vnder einander/ vñnd thu  
das in dem gläßlin vber ein feurlin/ rür  
das vnder einander ein halbe stundt / vnd  
solt nemen starcken gebranten wein / vnd  
schütte deß ein eyerschaln vol vnders pul-  
uer/rür es vnder einander biß das puluer  
wider trucken werde/misch das dañ wider  
vnder ein ander/stosse das wol/vñ lad den  
dritten theyl der Büchsen damit.

Gar ein meisterlichs / nutz vnd guts schnelles  
Büchsen puluer zumachen.

Wiltu ein gut Büchsen puluer mas-  
chen/das da nütz/ gut / schnell vñnd starck  
wirt / so nimb darzu ein pfundt guter lins-  
den



## Büchsenmeisteren.

den oder dannen sol das ohn äst gewesen  
sen / Wiltu des puluers mehr machen / so  
wige diese vorgeäte species nach gewichte  
darzu / irre nicht darinn oder du thust dein  
werck gencklich vmb sonst. Vnd mercke  
wol eben / ein halben centner Salpeters  
braucht dreissig pfund schwefel / vnd dreis  
zehend halbes pfund kolen / vñ drey pfund  
spangrün / vnd ein vierdung eines pfunds  
Salarmoniac. Vnd so vil man dan eins  
mals des puluers mehr machen wil / als  
vor steht / so vil muß man auch der vorges  
setzten species / jeglichs nach seinem rech  
ten gewicht nemen.

Noch ein besser vnd stercker puluer  
zu machen.

Wiltu ein Büchsenpuluer machen /  
noch stercker vnd besser dann von dem zu  
nechst davor / so soltu darzu nemen als vor  
steht / vnd gehört darzu vnd darunder zu  
nemen / ein gut weiß puluer / das soltu so  
machen als hienach stehet / Nimb des ge  
brenten campffer der da ist weiß / ein theil /  
vnd



vnd gebrennten Salarmoniac / der auch  
weiß ist / vñ leuchtet als die brunnenstein/  
so die schwertfeger haben / acht theyl / vnd  
thu ehe der zweier specie von sublimato vñ  
mercurio darzu / vnd thu es zusamen in eis  
nen mörser / stoß das als offti vñnd fast du  
mögest / biß daß ein puluer darauß werde /  
vnd biß es weiß wirt / Das ist die aller bes  
ste lehre die man in ganser Alchimny fin  
den mag / thu auch gar wenig von dem  
puluer in das / das gemacht ist von Sal  
peter / schwefel vnd kol / ein achttheil eines  
lots ist genug in ein pfund des vorgenantē  
puluers / von Salpeter / schwefel vnd kol.

Sündpuluer gut vnd gerecht  
zu machen.

Du solt nemen des Schwefels / der mit  
Quecksilber vnd mit dem gebrenten wein  
gesterckt ist / als darvor steht / wie man den  
schwefel bereiten sol / dz er hitziger vñ sters  
cker wirt / Vñnd nimb des Salpeters der  
etwann vil gereinigt vnd geleutert ist / reib  
der beyder stück jeglichs besonder / gar fast  
flein /



## Büchsenmeisteren.

Klein/auff ein reibstein/je kleiner je besser/  
Nimb denn der Kolen / so da auß einem  
schliessigen tischlach in ein heissen Ofen  
oder feur in einem verdeckten hasen vers  
brunnen ist/vñ diese species misch nach ge  
wicht vnter einander/als in diesem Buch  
darvor steht/thu drunder ein wenig camfs  
fer / vnd nit zu vil / rürs wol vnder einan  
der / nimb den deß besten gebrenten weins  
ein wenig/ so du in gehabē magst/beschütze  
te das puluer damit daß es feucht vnd ein  
wenig naß werde / vnd nicht zu naß/vund  
rürs ein weil vnder ein ander/vund laß es  
darnach wol trucknen / so hastu gar ein  
gut zündpuluer.

## Gut Büchsen flöß machen.

Nimb gut Albern folk/vund mach sie  
darauf/vnd mach sie fornen kleiner dann  
hinden / daß so du ein floß wöllest in die  
Büchsen schlagen/ daß er je gedrungener  
hinein gehe/vnd schlage den floß mit eins  
ander



## Büchsenmeisterei.

25

ander ein/vnd lasse sein nichts außwendig  
dem ror / so leget sich der stein recht inn die  
Büchsen für den floßen.

Wie man eine jegliche Büchs groß oder klein la-  
den sol/mit puluer/ Flog vn stein/nach rechte  
ter Mensur/das es der Büchsen mit  
zuring noch zu schwer ist.

Nach dieser lere soltu ein jegliche büchs/  
sie sey groß oder klein/ laden: Die Büchs  
misse/ wie lang es inwendig sey biß an den  
boden/ theyl dann dasselbige maß in fünff  
theyl/ein theyl sol der flos sein/ so er in die  
Büchs wirt schlagen/ Der ander theyl sol  
wan stehn/ Vnd die drey theyl sollen hina-  
der sich hinein geladen sein mit gutem pul-  
uer/ Dis treibet gute gewis schuß.

Ein Büchs zu laden vnd anzuzünden  
ohn schaden.

So du ein Büchs ladest vnd beschies-  
sen wilt / so nimb einen pfrimen / stoß ihn  
durch das zündloch / biß auff den boden/  
durch das puluer ab/ vn hab das zündpula-  
uer bey dir/ sehe es dem pfrimen nach/vnd  
thu sein so vil darein/ daß du das zündloch  
füllest



## Büchsenmeisterey.

füllest / wann die laß puluer seind gar heiß  
vnd scharff / vnd entzündet das ander pul-  
uer gar behend in der Büchsen / vnnnd ob  
das puluer in der Büchsen gar verdorben  
were / so hilffst ihm das zünd puluer daß es  
lassen muß.

Wie man auß einer Büchs gewisse schuß  
schießen mag / vnd vor der Büchs  
aller sicherst stehen.  
möge.

Wiltu auß einer büchs schießen gewiß  
schuß / so sihe daß du den ersten schuß nicht  
hoch schießest / oder du magst nicht bald  
einkommen / auch solt du wissen das ge-  
wicht deß steins vnd deß flockens / vnd deß  
puluers / vnd sein krafft / was getragen mö-  
ge als vor gelehrt in diesem Buch.

Wiltu sicher vor der Büchs sein daß  
sie dir kein schaden thu / so stehe vber ort /  
zwischen dem boden vnnnd der seiten / vnnnd  
auff zehen schrit weit hindan.

Wie man in ein ieglich Büchs gar gut fere  
geln / gerecht vnd gut machen sol / daß man  
die auß der Büchsen schieß-  
sen möge.

Nimm



Nimb Büchsenpuluer/als vil du wilt/  
vnd knette das mit gebrenten wein / vnnnd  
mach ein teig drauß der sinwel sey als ein  
fugel / nimb drey heßlin stecken / die stoß  
durch die fugel / die stäblin sollen als groß  
sein als feder fengel/ vñ solt die fugel ober  
ziehen mit barchet / vnd dann in Schwefel  
schweifen / vnnnd aber vberziehen mit teng  
der mit halb Salpeter vñ mit halb schwes  
fel gemischt sey / vñ vberzeuge dz aber mit  
barchet / vberzeuge dos dan aber mit dem  
vorigen teng / vnd zum leßten vberzeugs  
mit zwilch ludren vund mit eyßen trätten/  
creukweiß darüber / darnach so schwemm  
die fugeln in halbē schwefel vñ halb hartz/  
Vnd wenn sie also bereit seind / so bor mie  
einem börlin creukweiß dardurch / vnnnd  
wann du schießen wilt / so bor ein löchlin  
durch den floßen/das die löchlin gleich ge  
gen einander stehen / vnnnd nimb dann ein  
fleins rütlin / vñ stoß es durch die fugeln/  
vnnnd durch den floßen in das puluer / das  
du verschießen wilt / das es an einander

D i s      gleich



## Büchsenmeisterei.

Gleich zusage / vnd zünde dann die Büchs  
an so fert es hin / zündt an wohin es kompt  
Schreckende schuß zu machen / wan der schuß  
von der Büchsen fert / daß er vber hundert  
dert sprüng thut.

Nimb schenck papier / vnnnd leim das  
auff einander als groß als der flos sein  
sol / schlag den flos nicht auff das puluer /  
vnnnd auch gar nicht in das ror der Büchsen  
sen / lade den stein für den flozen / vnd vers  
speidel denselben stein / dieselben Büchsen  
schlag ab dem stein / verstopffe den stein  
mit einem herten tuch / richte die Büchs in  
gleich gewicht / vñ zünde sie an / so fert der  
stein von der Büchs / vnnnd thut vber hundert  
dert sprünge / vnnnd die Büchs sol fornen  
dick sein vnnnd wol eingeschlagen / vnnnd sol  
nit für den stein auffgehen.

Gut Salpertia zu machen / das man nennet  
Salportica / damit man puluer schneller vnnnd  
stercket / Es sey schießpuluer / zu feurpfeilen /  
zu feur kugeln / oder zu andern  
feurwercken.

Salpeter leutter / daß Salniter drauß  
werde



de/vnnd wann du den Salniter drey mal  
geleutert hast / so thu es in einen Kessel/  
schütte gebrenten wein dazu/ daß der wein  
dreier finger hoch vbern Salniter außge-  
he/ vnnd thu zu einem pfund Salniter 4.  
loth Salarmoniac / ein loth campffer/  
seud das ein vierthel ein / thu es dann ein  
wenig ab dem feur / schütt den wein in ei-  
nen irden hafsen / so ist es ein Salpertia  
worden / vnd hencf denselben Salpertia  
in ein hafsen / an einem seil in einen kalten  
Keller / lasse ihn drey oder sechs wochen  
hangen/so wirt er gram/ vnnd naß / vnnd  
wachset das best dardurch/ vnd das zartest  
darnach so du in darein gehencf est / so ge-  
he an dem neunden tag darzu/ vnnd wüsch  
den hafsen fuß/ in ein schön becken / behalte  
das wol/ wann das ist das best/ teuerst vnd  
sterckest stück das jemand gehabt möge/  
vnd thut man sein ein loth vnder dreissig  
pfund zeuge/so ist sein gnug/ doch in mehr  
man sein darein thut: je besser es allweg  
wirdt.

Salarmoniacum zu leutern.

D iij

Salars



## Büchsenmeisterei.

Salarmoniac als vil du wilt / lege inn  
einẽ saubern Kessel / thu guten wein darzu  
je zu einẽ pfund Salarmoniacs / ein maß  
guts weins / seude dann das drittheil ein/  
geuß dann den wein auß dem Kessel / in ein  
sauber geschirz / laß ihn kalt werden / schüt-  
te darnach den wein ab dem Salarmoni-  
ac / laß in trucken werden so ist er bereit.

Ob du gern wöllest wissen wo du hin  
zunacht schiellest.

Nimm zu zehen pfund hartz / ein pfund  
vnschlet / zerlaß das in einem Kessel / dun-  
cke den stein darein / vnd nimm ihn bald dar-  
auß / vnd würff in inn Büchsen puluer /  
das henckt vñ weicht sich in das hartz / dar-  
nach soltu die Büchsen darmit laden / vnd  
denn mit guten lumpen wol verstopffen /  
vnd scheuß wann du wilt / so sihest du den  
stein brennend von der Büchs faren / Du  
darffest den stein nicht anzünden / wañ er  
wirt selber breñen von der Büchsen / wañ  
du die Büchs anzündest.

Wie



Wie man ein feurwerck machen/vnd bey  
nocht außwerffen sol / damit man  
sich wol fürsehen mag.

Nimb ein wenig spieß glas/ ein pfunde  
hark/ drey pfund Schwefel/ pfund Sals  
peter/ ein pfundt kol / mach darauff sibens  
zig kugeln/ vnnnd wann du sie bedarffst/ so  
zünde ein kugeln an / vnnnd würff sie hins  
auß / brennet gar lang vnd auch gar heys  
ter vnd schön/das du wol siehst.

Weiß Büchsen puluer zumachen/aber  
nicht fast starck.

Nimb ein pfundt Salpeter / ein pfund  
schwefel/ ein pfund selberbaum holz/dörre  
es wol inn einem ofen / stosse das vnder  
einander zu puluer / Wiltu dann das es  
fast weiß vnd starck werde / so thu Salars  
moniac vnnnd campffer nach gewicht dars  
under / als vor davon stehet / so hastu ein  
gut weiß puluer.

Rot Büchsen puluer zu machen.

Nimm aber gleich gewicht von Sals  
peter vnd Schwefel als vor / vnd nim an

D iij dert



## Büchsenmeisteren.

derhalben vierdung Sandali/ vnnnd male  
oder stosse diese stück wol zusamē in einem  
mörstel auff's reinest so du magst / Wiltu  
es fast starck haben / so thu darunder als  
vor geschriben steht.

Blaw Büchsen puluer zu machen.

Nimb Salpeter als vor geschriben  
steht / vñ thu kornplumen darzu vierthalb  
loth / ein halb pfund Seuenbaum holz/  
vnd stoß die stück gar wol vnder einander/  
so wirt es blaw knollet/vñ laß daß die knol  
len fast wol trucknen / so hastu blaw pul  
uer / Seuenbaumen holz für die kolen/  
vnd sterck das puluer als vor.

Gelb Büchsen puluer zu machen.

Nimb aber Salpeter vnd Schwefel  
in gleichem gewicht als vor/ vnd nimb ein  
halb pfund spicanardi / vnnnd stoß das wol  
vnder einander / Wiltu es fast starck ha  
ben/so nimm die stück darunder die du vor  
mals genommen hast.

Gerechte feurwer pfeil zu machen

Nimm



Nimm fünff pfund Salniter/ ein pfund  
Schwefel / vnnnd ein halb pfund kol / stoß  
das inn einem mörser gar wol vnder ein-  
ander / thu oleum Benedictum vnd bren-  
ten wein darunder/ als viel sein genug ist/  
mache einen teyg darauß / knette deß teigs  
so viel an die pfeil als viel du sein haben  
wilt/ vnd thu die an einem stecken in einen  
warmen ofen/ daß es wol trückne vnd dör-  
re / Darnach nimb in heraus/ schab vnnnd  
formiere in mit einem messer / als er sein  
sol / vberzeuch in mit einem kleinē saubern  
tuch/ bind in wol mit faden/ schwemm ihn  
darnach mit Schwefel ond in harz.

Gewisse schuß zu thun.

Lug daß dir deß ersten wissend sey wie  
starck das puluer sey/ wie ferz es tragē mö-  
ge/ wie vil deß puluers sey/ wie schwer der  
stein sey gegen dem puluer / vnnnd daß die  
flokzen gleich vnd ein holtz seyen / vnnnd die  
büchsen gleich getrieben werde/ gleich dick  
seyen/ das die Büchs gewiß stehe/ sich nit  
entrüste / daß die flokzen getriben werden/

D v deß



## Büchsenmeisterei.

daß sie nicht für das ror auffgangen / vnd  
nicht für das ror eingetrieben werde / In  
sonderheit daß die Büchs vffrecht stehe/  
vnd lige / daß ein rad eins halms nit höher  
stehe dan das ander / so scheusset du gewiß.

Ob die Büchs weiter schiesse / die kleine  
ror hab oder größe ror.

Welche Büchs ein ror hat das v. floß  
lang ist / die Büchsen seind die besten / wann  
die furken ror mögen nindert in die weits  
te schiessen / Aber die langen ror schiessen  
weit.

Wie die Büchs aller best lige.

Wann sie hart liget / so bricht hartes  
wider hartes / vnd mag nicht bestehn / vnd  
darumb sol man die Büchs in lindes holz  
legen / man sol auch hinder die Büchs bley  
giessen zweyer finger dick / vmb das / daß  
sie ein linden stoß habe.

Mann sol sie nicht tieffer legen / dann  
ein halm breit ober das halb theil inn / so  
ligt sie meisterlich wol.

Wie man gut zunder sieden sol.

Nun



Nimm der laug die man braucht zu dem Salpeter/vñ schneide den zunder da rein/vnd laß in siedē auff vj. stunde / vnd darnach laß in trucken werden vñnd püluer in/vnd stosse in/so hastu guten zunder gestossen.

Guten zunder zu siedē/vnd welcher der best sey.

Nußbaum zunder ist der beste vñnd ins brünstigst zunder / das jemandt gehabt mag.

Ein feuer zu machen das man tregt oder fñrt ohn groß kñmmeruß / ein halben oder ganzē tag oder nacht/vnd daß er an dem selben feur ein Schwefel kertz anzñnden mag.

So nimb groß moß pinken / als in den weihern vñd in den mōßern stehn/vñd seude die pinken in gutem wein/ darinn Salpeter gesotten sey/Vñd weñ sie also gesotten seind / so nimb sie herauß/vñd truckne die pinken an der Sñnen / vñd zeug in die grñne eusserste haut ab/vñd hebe sie an einen breñenden kol/ daß er das feur entpfanhe. Du



## Büchsenmeisterei.

he. Du tregst einer spannen lang ein meil  
wegs ferr / Vnd wann du wilt ein feurwer  
haben / so heb ein schwefel kerzen daran / so  
hast du feurwer.

Wie man Schwefel öl machen sol / das nütz vnd  
gut wirt vnder alles Feurwerck / sonderlich  
vnder Büchsen puluer / stercket  
vnd behelt für verder-  
ben.

Schwefel stosse gar wol / thu darzu sal-  
perticum auch wol gestossen / vnd wol ge-  
mischet vnder einäder / schütte darzu distils-  
liert essig / lasse es wol sieden in einem vers-  
deckten hafen / biß er wol trucken werde /  
thu es inn ein Cucurbit / vnd Alembic / dar-  
auff leuter das gar wol / vnd setze das auff  
ein öselin vnd äschen / mache ein gut feur  
dazu / biß es anfacht tropffen / vnd mach  
darnach ein groß feur daß du keinen dunst  
mehr sehest dauon gehn.

Stangen oder pfeil auß Büchsen  
zu schießen.

Lad die Büchsen den dritten theyl mit  
puluer / mache ein linden flos auß leym /  
als ein flos zu der Büchs sein sol / vñ spiz  
die



die stangen als sie vor den flozen gehört  
in das ror / schlag oben ein hülkin zwecken  
zwischen die Büchs vñ die stangen / mach  
einen stul der sich lasse hoch oder nieder  
treiben / vñ lege die stangen darauff / daß  
sie der Büchsen gleich sey / so mag die  
stang gleich von der Büchsen gehn / wann  
du sie also gladen / so zünde sie an.

Ein Zigel zu schießen.

Nimb ein harten floz / der vmb das  
halb theil kürzer sey dann er breit sey / lade  
den gleich in die Büchs / vñ lade vier stein  
an den flozen / daß sie den flozen nicht an-  
rühren / vñ schlag wolgeberten leimen dar-  
zu / der mit laug / mit Salz vñ mit paps-  
peln safft wol gebert sey / Stosse dann viel  
stein / die in der groß sein als eyer od' grö-  
ßer / in die Büchsen / vermache es daß aber  
mit dem vorgeschriebenen leym / daß die  
Büchs vol werd / schlag sie mit ein tribel  
fast wol auff einander / vñ lug das du die  
Büchs fast wol versorgest / daß nichts vor  
ihr sey / vñ zünde sie an.

Ein



## ' Büchsenmeisterei.

Ein Igel zu schiessen vnder ein volder.

Lade die Büchsen gar starck mit eim  
büchen flozen / mach ein eyssen plech für  
den flozen / als der flos breit sey / so viel eis  
sener stücke / als du dann verschiessen wilt /  
vnd lade die alle sampt für das plechlin /  
das vor dem flozen ist.

Auß einer Büchsen mit wasser zu schiessen  
so weit als mit puluer.

Salpeter distillier zu wasser / Schwes  
fel zu öl / Salarmoniac auch zu wasser /  
Nimb Oleum Benedictum darzu nach  
dem gewicht / als du hören würdest / vnd  
wann du das wasser zusamen bringen mas  
gest / so nimb vj. theyl Salpeter wasser /  
zwey theyl Schwefel wasser / drey theyl  
Salarmoniac / zwey theyl Oleum Bene  
dictum / lade dan die Büchsen fest mit flos  
zen vnd steinen / geusse dan das wasser hin  
ein den zehenden theyl / zünde sie an bes  
hend / daß du davon können mögst. Sihe  
daß die Büchs fast starck sey. Mit einer  
gemein Büchsen scheustu mit dem wasser  
drey tausent schritt / es ist aber gar köstlich.

Wie



## Büchsenmeisterei.

32

Wie man auß einer Büchs etwan viel Flöz mit  
einem anzünden schiessen sol/ vñnd daß jeglich  
Flöz sein besonder klast thut/ vñnd doch  
nit mehr denn ein mal angezünd  
et wirdt.

Thu zu dem ersten als viel puluers in  
die Büchsen als lang der flöz einer sen/  
vñnd schlag den flözen auß das puluer/  
vñnd aber so viel puluers / vñnd aber ein flö  
zen darauff / vñnd lade die Büchs mit flö  
zen vñnd mit puluer / biß daß sie vol werde.  
Es sol ein jeglicher flöz ein durchgehend  
blechlin haben / daß das feur von einem  
durch das ander gehen möge. Die löchlin  
sollen in der maß groß sein / als einer spin  
deln spis / laß puluer durch die löcher vñnd  
stoß ein schwefel perk darein / zünde es an/  
so klastet einer nach dem andern biß daß  
die Büchs aller ding lart wirdt.

Ein pfal in einem wege zu verbren  
nen / wie tieff er steht.

Nimb lumpen vñnd nehe die in Oleo  
Benedicto mit Salniter wasser / als vor  
dauon steht / bewind den pfal mit diesen  
lumpen / vñ scheuß einen breñenden feur  
pfeil



## Büchsenmeisterey.

pfeil an den pfal/ so empfahen die lumpen  
vñ brennen dieweil sie kein feuchte haben  
von dem wasser / vnd die lumpen solln am  
ersten fast wol vmb den pfal gebundē sein/  
wann sie brennen in dem wasser auff xxiij  
stunde / ehe sie gar verbrennen / die feuchte  
schlegt allweg von dem wasser das feur  
an pfal biß der pfal verbrennet.

Gar gut feurpfeil zumachen.

Nimb drey pfund Salpeter / ein pfund  
schwefels / ein halb pfund koln / stosse das  
zu puluer / zertengs mit branttenwein/  
vnd mach dann ein klein secklin auß barch  
et tuch also lang als der pfeil sey / vnd thu  
den teng in den sack / stoß den pfeil dadurch  
vnd verbinde ihn mit gutem starcken fas  
den hinten vnd vornen / vnd schwemm in  
darnach in schwefel / oder in hars / so hastu  
gut feurpfeil.

Wie man macht daß sich wasser anzündt.

Nimb vngelochten salck vnd als viel  
schwefels an der wag / auß der materi ma  
che ein dacht / vnd spreng darauff wasser /  
so



## Büchsenmeisterei.

33

so erkünd es sich/ vñ geußt du öl drauff/ so  
erlischet es.

Gut Schwefel öl zu machen / das zu starcken  
feutwerck nütz vnd gut ist.

Stoß hart gesotten eyer dotter in ein  
mörser gar wol/ biß daß sie werden als ein  
schmaltz/ vnd nimm dann lebendigen schwe-  
fel/ wol gestossen / auch durch ein tuch wol  
gebeutelt / vñnd misch es vnder einander/  
rühre es fast wol / daß ein materi darauß  
werd / vñnd thu es dann in ein cucurbit/  
brenne es auß/ so hastu gut schwefel öl.

Fligends feutwer zu machen das  
fert in die höhe.

Nimm ein theil Colosonia / das ist kri-  
stlich hart / vñnd zwey theil lebendiges  
schwefels/ vñnd drey theil salniter / das reib  
alles gar klein / reibe es dann mit ein klei-  
nen leinsat öl oder loröl/ daß es darinn zer-  
gang / vñnd werd als Confect/ vñnd thu das  
in ein eychene rören die lang sen/ vñnd zün-  
de es an / vñnd blas ins ror / so ferts wo hin  
du das ror fereßt.

E

Ein



## Büchsenmeisterei.

Ein starck Feuer zumachen/das auch  
gar gut wirdt.

Nimb Gloriet / schwefel / öl / vnd eyer  
botter außgebrennet / das nimb alles mit  
einer gleichen theylung / vnd röste das ge-  
mach in einer pfannen bey einem feur ob  
den kolen / daß es also ein Confect werde/  
Nimb darzu das viertheil wachs / mische  
das alles vnder einander / vnd thu es dann  
in ein rinderen blase / die wol bestrichen sey  
mit öl / vñ mach das zu mit einem wachß/  
vnd wenn du es nützen wilt / so leg die mas-  
teri an ein statt da es lufftig sey / vnd wenn  
der wind darzu geht / so wirts brennen /  
vnd ist das man wasser darauff geußt / so  
gewint es flammen.

Feuer pfeil zu machen.

Wiltu machen gut feur pfeil / so mach  
secklin auß barchet / nimm puluer / dz schieb  
in die secklin so du härst mögest / vnd nimm  
ein sinwel oder gevierd pfeil eisen / vñ stoß  
es da mitten durch das secklin nach der  
leng / vnd das puluer so mit dem gebrenet  
wein



## Büchsenmeisterei.

34

wein vnd mit öl zusammen knetten sein / als  
davor stehet / so hastu gut feuer pfeil.

Feuer pfeil zu machen die nicht rostig wer-  
den wie lang sie ligen.

Nimm die eisen so ligen sie wie lang du  
wilt / daß sie nimmer rostig werden.

Feuer pfeil zu machen die sich selbst anzünden  
wenn sie kommen an die statt dahin sie  
geschossen werden.

Guten zunder / schneide als breyt als  
zwen halmlein / vnd zweyer zwercher fin-  
ger lang / die scheube vornen in das secklin  
da das eisen herauß geht / nach der lenge /  
daß es das puluer erlange / Vnd wenn du  
schießen wilt / so zünde den zunder an / vnd  
scheuß dann / so brennet der zunder hinder  
sich biß auff das puluer / vnd verbreit daß  
der pfeil so er kompt an die statt / dahin er  
geschossen wird.

Wie man ein Büchß auslasset die lang  
gelegen ist / vnd nit gern laß-  
sen wil.

Mit ein ladeisen reib die kugeln hinein  
baß / ob den klozen vñ ein zwerchen halm  
E ij oder



## Büchsenmeisteren.

oder mehr / vnnnd raume das zündloch mit  
einem grieffel / vnd see ein gut puluer das  
rein / vnd zünd es an / so laßt die Büchs.

Guten zunder zu machen.

Büchin schwamm hat die eussern rinde  
ab / vnd nimb glut vnd äschen / als die  
einmerung / das da fast vnder einander  
glüet / vnd nimb ein hasen / vnd schneit den  
Schwamm zu stückweiß als breit als eine  
hand vnnnd eins fingers dick / in den hasen  
auff die einmerung glut / vnd daß aber ein  
lag der schwamm darauff / vnnnd thu das  
als oft / biß daß der hasen vol werde / vnnnd  
geuß darüber wasser das oben drüber ge-  
he / vnd deck in zu / laß in stehn auff zehen  
tag / vnd wann er nit wasser hat / so füll ihn  
wider zu / nach den zehen tagen / so nim den  
schwamm / wäsch in auch reyn vnnnd sauber /  
daß kein äsch oder nichts vnсаubers darinn  
sey / reihe in darnach in ein faden / hencf in  
auff zu dem ofen oder an die Sonnen / vnd  
laß in fast wol trucknen vnd dürr werden /  
so hastu guten zunder.

Zun



## Büchsenmeisterei.

35

Sunder zu machen daß es nicht rieche.

Lege in in essig/ vnd laß in darinn liegen  
ein tag vnd ein nacht/ vnd hencf in auff  
vnd laß in ertrücknen.

### Gute Feurpfeil zu machen.

Nimm drey pfund Salpeter/ ein pfund  
schwefel/ ein pfund kohn stoß zu puluer  
feucht es mit gebrennten wein/ Mach ein  
klein barchet säcklin/ als lang der pfeil sey/  
thu den teg ins säcklin/ stosse den pfeil  
dardurch/ verbinde ihn mit guten starcken  
fäden/ hinten vñ fornen/ schwänne in dar-  
nach in Schwefel vnd hark.

Ein ander Form.

Nimm zwey theyl Salpeter/ ein theyl  
schwefel/ zwey theyl schießpuluer/ vñ hark  
oder Bech klein zerriben vnder einander/  
Dann laß dir einen hollen pfeyl drehen/  
den fülle mit disem puluer/ stosse hart auff  
einander/ mache hinten ein wiechen dar-  
ein/ als lang du wilt/ nach dem sich d' pfeyl  
balt oder langsam anzünden soll. Du  
E in magst



## Büchsenmeisterei.

magst ihn auch schweissen im Schefel  
vnd hars.

Oder nimb zwey theil Salpeter / vnnnd  
ein theil schwefel / vnd zwey theil Schieß  
puluer / machs mit leinöl feucht / vnd fülle  
den pfeil damit. Magstu in auff dem arms  
krost anzündē an ein zündloch vnder den  
zweien / wie du hernach sihest / Laß wol ans  
brennen / daß er im abfahren nit erlesche.


## Form des Feurpfeils



## Ein Schimpfflich Feuer werck in einer Statt.

Nimb ein hollen tiegel / oder lasse dir  
einen wagner ein dick holz hol boren / doch  
nicht gar durch / Vnd wie das loch nach  
der lenge durch den block gehet / also bore  
nach der dicke des blocks löcher biß ins  
loch das nach der lenge gehet. Fülle das  
lang





lang loch mit diesem obgemelten puluer/  
 stoß hart auff einander / Vnd in die vber-  
 zweyer löcher stoß puluer von zwey theyl  
 Salpeter / zwey theyl puluer / vñ das halb  
 theyl Schwefel / klein vnder einander ge-  
 stossen / zünd es an / so sihestu ein hübsche  
 fürkweil on schaden.

**Von friegs re-**  
**giment / Ordnung vñnd**  
**Rechten / auff unsere jetzi-**  
**ge zeit gericht.**

E iij

Die



## Von Kriegs händeln.

**D**ieweil wir nun vō der Büchsen  
meisteren/ Geschütz/ puluer/ sala  
peter vnd anderer zugehöre/ einen  
guten bericht fürgelegt/ Wil ich nun von  
dem Kriegs regiment gebrauch vnd rech  
ten etwas melden / nach dem gemeinen  
brauch Teutscher nation/ wie der von vn  
sern Eltern auff vns kommen (Dañ von  
der vnordnung friegens jetziger zeit / leis  
der/ kein lehr noch Exempel zu nemen ist)  
das Kriegsrecht beschrieben/ Doch vnge  
fährlicher weiß vnd vnvergreifflich / nach  
dem hierin nach den Landarten / vnd sonst  
auch mancherley vngleichheiten befunden  
werden. Darumb ich dann hiemit nie  
mand solch Kriegs recht der massen / wil  
fürgegeben haben/ als sol vnd muß eben so  
gehalten werden (wiewol es gut were/ daß  
es gleich also gehalten würde) sonder wie  
ich solches vngefährlich von Kriegs ver  
stendigen ersarn vnnnd vernommen/ vnnnd  
sonst auß etlichen von Kriegsordnungen/  
hievor in truck außgangenen Tractaten/  
mit



## Von Kriegs händeln. 37

mit der fürze verfaßt hab / Also hab ichs  
auch guter wolmeinung beschrieben / vnd  
denen so solcher ding noch vnerfahren / mit-  
theilen wollen.

Erslich gebürt sich / daß ein jeder  
Kriegsherr / welcher einen Krieg fürne-  
men wil / daß er vor GOTT kein sünd / vor  
der Welt kein verwieß / kein nachkommen  
kein vnchr besorgen mög / mit allem fleiß  
vnd ernst bey sich selbst / seinen freunden /  
vnd verstendigen trewen rāthen (vnd son-  
derlich den recht gelerten) beratschlage / dā  
er solchs seines friegens ein ehrliche / be-  
tranglich vnnnd rechtmessige vrsach hab.  
Dā sonder not / recht vnd fug / allein auß  
geiz / haß / neidt / oder rhumgirikheit / mit  
grosser gewalt friegen wollen / ist auch bey  
den Heyden lesterlich vnd vnloblich gewes-  
sen / hat auch die leng nicht gut gethan / vñ  
zu lezt allweg bösen lohn geben / wie solchs  
in den alten historijs auß vnzalbarlich vi-  
len Exempeln abzunemen ist.

Zum andern / So ein Kriegsherr eins  
E v solchen



## Von Kriegs händeln.

solchen Christlichen ehrlichen gemüts ist /  
vnd je Kriegen sol vnd muß / so gebürt im  
auch zuversehen / daß so wenig er für sich  
selbst zum vnrechten geneygt / so wenig er  
auch seinem kriegs volck gestatte / wider  
recht vnd ehr zu handeln.

Solch versehung kan aber besser nit /  
dann durch ernstliche haltung gutes Res  
giments (welchs zu der gehorsam vñ aller  
wolfart am höchsten dienlich ist) beschehe.

## Von Standt vnd Regiment.

**I**n jeder grosser vñnd gewaltiger  
Kriegs oder Feldzug hat gewöns  
lich / vnd muß auch haben dreierley  
Regiment / Vñnd da deren eins nicht ist /  
da kan nichts statliches noch namhafftis  
ges außgerichtet werden.

Nemlich so haben die Fürsten / Herrn  
vñnd Ritter schafft / sampt allem reisigen  
Kriegs volck / ihr eygen Regiment. Der  
Oberst Feldzeugmeister sampt aller Ar  
telarey / hat sein eygen Regiment.

Aller



## Von Kriegs händeln. 38

Aller Fußknecht Oberster hat sein eygen Regiment.

Die jetzt gemelten drey Regiment/ haben ein Obersten Veldhauptman / der ist Oberster/ vber das gank Veldt lager / wo der recht Principal / oder Kriegsherr eygener person selbs nit entgegē ist. Wo aber der Kriegsherr selbst im Veldt / so ist der Oberst des Kriegsherrn Leutenant.

Item es haben gewönlich alle Reifigen ihren Obersten / der wirt genant ein Veldmarschalck / Er hat ein treffentlich ampt/ auch sein eigen Profosen / den neñt man/ der Ritterschafft Profosen. Er hat auch vnder jm aller reifigen Hauptleut / die suchen vnd finden allwegen bevelch/ vnd beschendt bey dem Marschalck/ zu thun vnd zu lassen / Dann er ist Erblich einer der fördersten Kriegs rätthe. Das ander Regiment / ist des Obersten Veldzeugmeyster / der hat vnder seinem gewalt die ganze Artelaren/ sampt allem Geschütz vnnnd Munition/ Der hat auch sein eygen Profosen. Das



## Von Kriegs händeln.

Das dritt ist der Fußknecht Regiment/  
die haben auch einen Obersten aller Fuß  
knecht / Der hat vnder jm all ander Vn  
derhauptleut / halt auch sein Profosen /  
vnnnd eygen Regiment. Nun ist vber die  
dren Regiment / noch einer von dem  
Kriegsherrn verordendt zu einem Ober  
sten Veldthauptman / vber die andern  
Kriegs ämpter oder Regiment all dren/  
der hat auch ein Profosen / Nemblich den  
obersten Veldprofosen/das ist so viel/ als  
ein Veldtrichter / derselb hat inn seinem  
befelch / das Malefiz zu straffen / die pros  
uandt zu schäken / hat auch seine Stecken  
knecht / die ihm sein ampt helffen verwals  
ten/ Er hat sein Schutheissen / vnnnd Ges  
richt/darzu seinen Nachrichter. Was jm  
von dem Obersten Veldthauptman / vñ  
andern Kriegs rathen bevohlen wirdt zu  
straffen/das hat er zu thun/vor dem Richs  
ter vnd friegs gericht als rechten Ordinas  
rien gestellt / vnnnd den Rechten bevohlen.  
Also werden dren Regiment in einem jedē  
gewaltigen Veldzug seyn müssen/ vnnnd



Feins ohn das ander wol frucht schaffen  
mag/ aber eins mag dē andern wol handt-  
reichen/ Vrsach die Fußnecht mögen nit  
Reuter erlauffen / So mögen die Reuter  
inn den hohen Gebirgen/ oder engen Höl-  
tern / darzu auff den Rössern / vnnnd grä-  
ben / den Fußnechten auch nicht viel an-  
haben. Darzu kan man mit den Kopfnös-  
pffen / vnnnd langen Spiessen / Mauren/  
Thürn/ Bollwerck/ vnnnd Basteien nicht  
wol umbstossen / man muß ein gewaltig  
Geschütz / vnd Artelaren haben/ das kans  
thun / Es ist auch dienlich zu Veldschla-  
chten. Hat sie aber kein reissigen zeug/ dar-  
zu kein Fußvolck bey ihr/ die sie verhalten/  
verwachen/ darob halten vor gewalt/ so ist  
die Artelaren auch nichts nütze / darumb  
seind sie alle drey gut bey einander.

Dieweil sie dann alle drey zusammen ges-  
hörn / so sollen sie auch mit ein ander regis-  
ren/ rathen vnd Kriegs anschlege machen.  
Sie sollen gleichermaß mit einander an  
die stangen greiffen.

Dan



## Von Kriegs händeln.

Dann werden jetzt die drey Regimenter  
eins / vnd haben ein Obersten Principal/  
der vber die drey Regiment/vñ den Kriegs  
herrn (so er nicht selbst im Feld) darzu vers  
ordnet ist/das macht in summa ein Regis  
ment.

## Wie der Kriegs Raht besetzt werden sol.

Erstlich gehörn zu dem Obersten als  
Kriegsräthe / der Feldmarschalck / dar  
nach der Oberst Feldzeugmeister / Der  
drit/aller Fußknecht Oberster.

Darnach mag der Oberst Feldhaupt  
man/mit den jetzt gemelten dreien Kriegs  
räthe auß den vnderhauptleuten der Reis  
sigen / die ber ümptesten vnd achtbarsten/  
oder Kriegsverständigsten/in etlichen fäl  
len auch zu ihnen fordern / als Kriegsräht/  
viel oder wenig / alles nach gelegenheit vñ  
gestalt der sachen. Dergleichen sol auß d  
fußknecht Vnderhauptleutē auch gesche  
hen/doch mit gleicher maß oder anzahl/das  
die Reissigen nicht gedencken/die anschleg  
wer



## Von Kriegs händeln. 40

werden gemacht nach gefallen der Fußknecht. Auch widerumb / daß die Hauptleut der Fußknecht nicht gedencken / die Rahtschleg werden gemacht / nach gefallen der Reissigen / vnd etwas vorthenls in ein oder andern gebraucht werde / Darumb sol vnwille allwegen verhüt werden.

Wiewol die drey Regiment hauffen ein ander nicht gleich an personen / so gehet dann noch desten mehr auff die Pferde / daß er sich im kosten dem Fußhauffen wol vergleicht.

Wiewol die Artelaren den kleinsten hauffen hat / so gehet doch grosses auff die wägen / Ross vnd menge der Doppel sold / vnd anders / darzu putuer / kugeln vnd ander Munitio / Darmit wirdt der kost zu lest vff alle drey fast gleich.

Hernach folgen die Beuelch / Recht / Gerechtigkeiten vnd Proueit aller hohen Ampten.

Die



## Von Kriegs händeln.

**D**ieweil wes eines jeden hohen  
ampts beuelch / recht / gerechtig-  
keit / Freyheit vñ proucit in friegs  
leuffen sey / fürnemlich auß den bestal-  
lungen darin sie angenommen / vñnd den  
Eynden damit sie beladen werden / abzune-  
men ist / so wil ich dieselben bestellungen  
vñ Eynde (gilt gleich vil) hierinn anzeigen /  
vñd daneben ferner bericht thun.

### Obersten Hauptmans Bes- tallung. Nota.

Es ist zuwissen / daß diese form nicht so  
eben durch auß allwegen gehalten / sonder  
nach gelegenheit der Landart vñ gefallen  
des Kriegsherrn / je zu zeiten in ein / dann  
in ein andern puncten geändert / gemeh-  
ret / gemindert vñd gebessert wirt.

### Artickel darauff der Oberst Hauptman bestellet werden sol.

Nemlich daß er dem Durchleuchtigen  
K. M. in solcher bestellung / getrew vñ ges-  
wer



## Von Kriegs händeln.

41

wer sein/irer Key. May. oder S. G. schas  
den getrewlich warnen/ wenden vñ from  
men werben/ Das Kriegsvolck/ so im von  
N. wegen zugeordnet wirt/ getrewlich be  
uolen haben / vnd nach seinem besten vor  
stehn/ kündlichen wider den N. Feind ges  
brauchen vnd handeln / Vnd so die Key.  
May. durch ihr Kriegs Rāth mit ihm  
handlen lassen wirt/ welcher massen erge  
gen den Feind zihen / ligen / vñ handeln/  
so soll er des N. Hauptman/dieselben fürs  
schleg vñnd anders selbs auch betrachten/  
vñ nach seinem verstand/ das best zu dem  
selben/ oder anderm rathen / vñnd so es im  
gut bedunckt/derhalben besichtigung / vñ  
erfarung thut / vñ fürder mit solchem zug  
vnd ligen N. oder N. vnd anderm thun/  
was im nach gelegenheit der sachen/vñ N.  
bevelch nach am wegersten/ ehrlichst/vñ  
nützlichsten bedunckt / vñnd in dem allem/  
sein fleissig einsehen haben/daß nit er / N.  
zu nachtheil/durch verachtung od verwar  
losung/ sein befohlen Kries volck verfüre.

§

Es



## Von Kriegshändeln.

Es sol auch der Oberst Hauptmā kein sonderlichen knecht/nach niemand anders von seiner wegen / oder in seinem namen auffnehmen.

Ferner so sol auch der Oberst Hauptman mit allem fleiß darob sein / darmit N. inn der Musterung vnd anderm/ nicht betrogen/gut Regiment vnnnd gehorsam vnder dem Kriegs volck gehalten werde.

Vñ sonst alles das thun/das ein frommer Hauptman seiner Herrschafft vnnnd Oberkeit zu thun schuldig vñ pflichtig ist.

Vnd ob sich zwischen gemeltem hauptman/vnd N. obgemelt/seins diensts vnnnd bestallung halber/irrung begeben/ deren sie sich gütlich nicht vertragen künden / vmb solche irrung sol N. vnd N. samentlich/oder durch den mehrern theyl entlich vnnnd ohn alle weigerung zu entscheiden haben.

Vnd sol gedachter Oberster Hauptman N. Monat bestellt sein/vnnnd dreissig tag für ein Monat gerechnet werden/vnd im jedes Monat für sein Hauptmans N.  
Reis



## Von Kriegshändeln.

42

Reinischer gülden gegeben/vñ sein Sold/  
wie des andern Kriegsvolcks / am N. tag  
schierist angehn/vñ in N. Monat gerech-  
net werden.

Zu dem soll man ihm geben des Mos-  
nats N. Reinischer gulden / auff seinen  
Ratier wagen. Zwölff Trabanten sol er  
auß andern einfachen besoldten knechten  
nemen/der jedem sol den halben/ alle Mos-  
nat noch ein Sold gegeben werden.

Seinem Schreiber drey Sold / Seinem  
Tolmetschen zwen Sold / Seinem  
Spil vier Sold / Seinem Capplan zwe-  
en Sold. Item so es von nöten/das man  
im ein Leutnanten bestellen muß / sol er  
in auß den Vnderhauptleuten der knechte  
nemen / demselbigen sol derhalb sein Bes-  
soldung dupliert werden. Neme aber der  
Oberst Hauptman / solchen seinen Leutes-  
nanten nicht auß andern bestelten Vn-  
derhanptleuten/sol man im doch nit mehr  
dann einem andern solchen Hauptman  
geben/ vnd solche obgemelte Artickel alle/

I ij

so



## Von Kriegshändeln.

So der Hauptman N. oder von seinet wegen/darzu verordnet zu halten/schweren/auch deren halb nach laut obgemelter Artickel/Bestallbrieff vnnnd Reuers nemen vnd geben.

### Nota.

Dem Obersten Hauptman sol aller Vnterämpfter / vnd dienstleut bestallung vnnnd pflicht verzeichnet gegeben werden.

### Bestallung der Vnderhauptleut vber ein Fenlin Knecht.

Es ist für gut angesehen / daß ein jeder Vnderhauptman nicht vber ein Fenlin knecht füre / vnd daß ein jedes Fenlin vier hundert knecht nach den personen gerechnet habe.

Item wiewol es bißher der brauch nit gewesen / so wirt doch für nutz vnd gut angesehen / welcher Hauptman von des N. zc. wegen / ein Fenlin knecht zu füren angenommen hat / daß mit demselben ein  
Bestallung



## Von Kriegshändeln. 43

Bestallung gemacht werde/auff nachfolgende maß vnd Artickel.

Nemlich: Daß ihr jedem ein Artickel oder geschriffte des Artickelbrieffs/ den die knecht schweren sollen / auch darbey/ wes die herrschafft / vnd der gemein man von ämptern zu bestellen hab / Auch daß ihr dienst am N. tag schierst angehn / vnd N. Monat weren / Vnd welcher maß denen so mit des obersten Hauptmans Paßborten abscheyden/N. tag für ihren abzug gerechnet werden / solle behendigt werden/ damit sie sich mit auffbringüg irer knechte/zurichten wissen / Zum andern / sol inn irer der Vndernhauptleut bestallung angezeigt werden / Ob sie zum auffbringen irer knecht / etlichen derselben knecht gelt leihen / daß ihn N. für dasselbige weiter nichts / dann solche knecht nachmals verdienen würden/ schuldig sein solle.

Zum dritten/so nachmals zwischen der Musterung/knecht abgiengen / vñ sie andere an derselbigen abgangenen knechte

§ iij

stat



## Von Kriegs händeln.

statt annemen/ sollen sie als bald dieselben  
für den Obersten Hauptman / vnd die  
Musterherrn bringen/ vnd anzeigen/ vnd  
vne derselbigen verwilligung mit einschreis-  
ben. Es sol kein Vnderhauptman seinen  
knechtē/ oder andern/ Paßborten zuerlaus-  
ben habē/ sondern solchs allein dem Ober-  
sten Hauptman zustehn. Zum vierden/ daß  
sie in annemen der Musterung d' knecht/  
dem Musterherrn nicht mehr knecht/ oder  
Solde anzeigen/ oder fordern wollen/ wes-  
der in in irer bestellung/ wissendtllich zuges-  
lassen/ vnd gemustert sein/ vñ in dem oder  
andern / keinerley vorthail suchen / oder  
geverde brauchen / dadurch die Keyserli-  
che Maiestat betrogē vnd beschwert wer-  
de. Auch zu der gleichen betrug / keinem  
andern Raht / hülff/ oder fürderūg thun/  
in kein weise.

Zum fünfften/ daß er keinen Schreiber  
annem/ vnd zu dem anschreibē seiner kne-  
chte / oder zu der Musterung brauchen  
wöl / Er habe dann zu vor dem Obersten  
Hauptman



## Von Kriegshändeln. 44

man gelobt vnd geschworen/ wie:hm deßhalb ein sonderer Endt geordnet ist/ deß dann einem jeden solcher vnder Hauptman/ auff ein abschrifft gegeben werden soll.

Zum sechsten/ Ob sich inn zeit solcher seiner Bestallung/ derenhalt en/ oder mit andern Hauptleuten irung begeben/ die in der gütte mit beyder theil wissen/ nicht vertragen werden köndten/ daß sie dieselben bey endlichem entseheude deß Obersten Hauptmans/ vnd der Kriegs Rät/ so er darzu nimpt/ bleiben wollen.

Zum siebenden/ daß er N Monat/ die er bestellt wirt/ getrewlich dienen/ vñ dem Obersten Hauptman geföllig/ vñnd gehorsam seyn wolle.

Zum achten/ daß er bey seinen Knechten/ so vil jm möglich/ mit fleiß darob sein wolle/ damit sie nach laut ihrer bestallung vnd Artickels briessen dem N. getrewlich dienen/ vnd demselben Obersten Hauptman geföllig sein/ vñnd daß ein jeder sol

§ iij

cher



## Von Kriegshändeln.

cher vnderhauptman / alle obgemelte Artickel eigener person / die N. erforder / geloben vnd schweren / auch derenhalt bestallbrieff vnd Reuers geben vnd nemen.

Einem jeden solchen Vnderhauptman werden vierzig Gulde / vnd darzu ein einzfacher Sold / auff einen knaben geben / so sol er auch zween Trabanten auß den besoldten knechten nemen / auff der jeden sol man ihm noch ein halben Sold / vnnnd zu dem allem zwen einfach Sold / auff einen Capplan geben / darmit man dester redlicher / vnnnd geschicktere Vnderhauptleut / daran dann auch nicht wenig gelegen / gehaben mög. Wann solcher Hauptman muß mancherley vnkosten / von seines hauptman standts wegen thun / Darum wil man redliche Vnderhauptleut habē / so wirt not seyn / inen ire Besoldung dester besser zu machen / Vnd man kompt deß dannoch gar viel neher / dann daß man ihnen weniger gebe / vnd andere vorthail dem N. zu nachtheil suchen lassen solt.

Ein



## Von Kriegshändeln. 45

Ein jeden vnder Hauptman sollen seine knecht / in gegenwertigkeit des Obersten / gemustert werden. Auch ihren Artikel schweren / vnd ihnen als bald darauff ein halber Monat Sold angeben werden / das mit sie dann stracks anziehen.

### Der Vnderhauptleut Schreiber Endt.

Ich N. Gelob vnnnd schwere zu Gott / das ich dem Durchleuchtigen / 2c. N. die Monat lang / vnder dem Hauptman N. als sein bestellter Schreiber bey andern kriegß volck vnder sein Jenzlin gehörig / getrewlich dienen / irer Maiestat oder J. G. schaden wenden / vnnnd frommen fürdern / auch die Kriegßknecht / so gedachten meinem Hauptman vnder seinem Jenzlin / als einfache vnnnd doppel Soldner / durch die Musterherrn gut gemacht werden / derselben zulassung nach / getrewlich recht beschreiben / vnnnd darinnen / weder meinem Hauptman / mir oder andern zu

J v vors



## Von Kriegshändeln.

worthenyl oder nuß / keinerley betrug ge-  
brauchen. Auch niemands darzu helffen/  
fürdern noch rahten / sonder in dem vnnnd  
andern / alles das thun / das ein frommer /  
getreuer Schreiber / vnd Kriegasman / seiz-  
ner Oberkeit vnnnd Herrschafft / zuthun  
schuldig ist / ohn allerley arglist vnd gefers-  
de. Also helff mir Gott der Almechtig.

## Von Musterherrn.

Item / Es sollen zum wenigsten zwen  
Musterherrn bestellt / vnd besoldt werden /  
vnd wirt geacht / daß derselben einem / deß  
Monats als viel / als vorgemelter maß /  
einem Vnderhauptman / vber ein Jentlin  
Knecht auff sein person / knaben vnd Tra-  
banten / gegeben werden.

## Musterherrn Eydt.

Ich N. gelobe vnd schwere zu G. Ott /  
daß ich die N. Monat / so ich vonn wegen  
eer Key. May. oder N. zur musterung deß  
kriegsvolcks gestellt / N. getrewlich dienē /  
schaden warnen / vnnnd frommen werben /  
auch



auch dem Obersten Hauptman gewertig  
vnd gehorsam sein sol / vnd wil auch in ei-  
ner jeden mustering des Kriegs volcks/  
als mir möglich ist / fürkommen vnnnd ab-  
wenden / darmit die Herrschafft mit vns  
zimlichen Sölden nicht betrogen vnd bes-  
chwert werde / Vñ weß mir solcher Mus-  
terung halben / vonn wegen des Kriegs-  
herren verzeichnet geben wirt / dem sol vñ  
wil ich folg thun. Weß sich dan gemelts  
meines diensts halben / irrung begeben / das  
gütlich nit vertragen köndt werden / Dar-  
umb wil ich endlich / vngewengerts ends-  
schieds / von dem Obersten Hauptman /  
vnd den Kriegsrähten / so er darzu nimpt /  
gewertig sein. Als mir Gott helff.

Nun dieser Artickel sol in der Muster-  
herrn ordnung / so in der Kriegsherr geze-  
ben / auch gesetzt werde / darmit sie demsel-  
bigen / als viel sich der gebürt / folge thun /  
Vnd als viel die Musterherrn / in solcher  
Musterung gut gemachter knecht findē /  
sollen sie dem Pfennigmeister vnd seinem  
Gegens



## Von Kriegshändeln.

Gegenschreiber / die zal irer gut gemachten knecht / vnnnd derselben gebürenden Soldt / mit ihrer hand verzeichnet / vnnnd darzu mit ihrem Bitschier verbietschafft vbergeben / nach welchen verzeichnussen alsdann der Pfennigmeister eines jeden Tenlin knecht Hauptman / Gelt geben / von einem jeden solchen Hauptman ein schriftliche verbietschirte Quitangen empfangen sol / weß er der Hauptman von sein vnnnd seiner knecht gebürenden bezahlung wegen / gelts von im empfangen hat.

Item wes dann gedachter Pfennigmeister / den obersten vber solche Knechte verordnet / an seiner besoldung gibt / darumb sol er jedes mal ein gebürenden verbietschirte Quitangen nemen.

Pfennigmeisters / oder Zalschreibers Eydt / der sol also dem Kriegsherrn schwören.

Ich gelobe vnd schwer leiblich zu Gott / daß ich N. meinem gnedigen Fürsten vñ Herrn /



## Von Kriegshändeln.

4.

Herrn / getrew vnnnd gewar seyn sol vnnnd  
wil/schaden warnen/ ehren vnd frommen  
fürdern vnd getrewlich schreibē / mit ernst  
vnd fleiß verrechnen/ all Artelaren person  
wie die bestellt / laut des Bestallbrieffs vñ  
Registers/so mir der Zeugmeister mit sei-  
ner handt vnderschrieben / vnd verrechnet  
hat / bezalen / wissentlich weder minder  
noch mehr zu geben/ dann wie eines jeden  
Bestallung laut vnd weist. Auch sonst als  
les thun vnnnd lassen / was ein frommer/  
redlicher Biderman seinem Herrn / als  
einer Oberkeit zu thun schuldig ist/ Ges-  
trewlich ohn alle gefahr. Also helff mir  
Gott.

### Obersten Zeugmeisters Bestallung.

Dem zeugmeister auff seinen leib  
wird geben ein Monat/ hundert gulden.

Item auff sechs gerüster pferd / einem  
ein Monat zehen gulden / vnnnd auff sein  
Troßpferd/ fünff gulden.

Dars



## Von Kriegs händeln.

Darzu werden ihm versold ein Kammer  
wagen/ein Kuchen wagen / mit acht pfer-  
den vnd personen darzu gehörig.

Item man sol ihm halten sechs Tras-  
banten / auff jeden zwen Söld. Ein Cap-  
plan / darauff zwen Söld. Ein Tollmetz-  
schen / darauff zwen Söld.

Item auff ein Jungen / den er brauchet  
zu der Fuhrüstung / ein einfacher Soldt.  
Seinem Spiel vier Söld / seinem Zeug-  
schreiber vier Söld. Dem Pfennigmetz-  
ster / oder Zeugzalschreiber / vier Söld.

Item seinem wundarzt der Artelas-  
ren sol ein Wagen gehalten werden / mit  
vier Rossen / darauff er sein Wundarkney  
vnd andern werckzeug zur notdurfft führen  
mag / Darzu sol man ihm vnd seinem  
Knecht geben alle Monat dreissig gulde /  
Darumb sol er hehlen alle Artelaren pers-  
sonen / die von den Feinden / oder vō freun-  
den wund / vnd geschädigt werden.

Was er aber sonst im Feldleger auß-  
serhalb der Artelaren zu Arcknehen hat /  
mag



## Von Kriegshändeln. 48

mag er ihm auch nach gestalt der sachen/  
vnd vermögen der person bezalen lassen/  
Doch so soll er der Artelaren gewertig  
sein / vor allen andern / bey seinem Eynde/  
den armen als den reichen heylen / on wei-  
ter forderung/es werde im dann etwas ge-  
schencket/auf frehem willen.

Item ob beyde Zeugmeister / Schreis-  
ber / Pfennigmeister / auch der Bundes-  
arket / jeder zu ihm wolt halten ein gerüst  
pferd das an der musterung bestehet / sol  
im der Zeugmeister / eins jeden Monats/  
darauff geben zehen gulden.

Deß Obersten Veld Zeug-  
meisters Freyheit vnd Proueit/  
so im zu gehörig ist.

So Schloß oder Stett gewonnen  
werden / die beschossen sein wenig oder viel  
Es werde auffgeben oder mit dem Strum  
erobert / so ist alle Munition deß Veldts  
zeugmeysters / als Büchsen / Pul-  
uers



## Von Kriegs händeln.

uer/ Rugeln/ vnd was darzu gehörig/ deß gleichen alle wehr/ Harnisch/ Spieß/ vnd dergleichen alle handgeschüz / vnd was zu der handwer gehört. So aber der Kriegsherr solchs nottürfftig were / oder zu seinen handen ziehen wolt / Sol der Zeugmeister solches zu lösen geben / deß dritten theyls neher dan es werd ist. Vnd sol sich der Kriegsherr genügen lassen / an den Fiscalischen gütern / darzu derselben vberwunden Herrschafften oder Stät gewöhnlich Guldten/ Kent/ Zins/ vnd ander zu gehören.

## Zeugwarten Beuelch.

Der Zeugwart soll allen Zeug / vnnd die ganz munition in seinem beuelch haben/ alles das er ins Feld füret / sol jm mit einem Inuentari inuentiert vberantwort werden / Darmit der Zeugmeister dem Kriegsherrn anzeigen künde / was an der Statt / oder Schloß/ an Zeug/ vnnd andern



## Von Kriegshändeln. 49

dern auffgangen sen/oder was im vorrahe da ist/oder was der ganz Veldtzug an kugeln / Puluer vnnnd andern vnkosten genommen hab / sich ferner darnach haben zu richten.

Item es sol ihm mit fleiß verzeichnet werden / so viel Kugeln/ so viel Puluers/ vnd also durchauß alle Munition beschriben / Auch alle nacht / was denselben tag auffgangen / vnnnd was ihn gedünckt/das zu wenig werden wil/sol er dem Zeugmeister in geheym sagen / vnd sonst niemande eröffnen. Da kan der Zeugmeister im Kriegsraht wol meldung thun / das solcher mangel erstatt werde / oder in anders weg sich die Kriegsraht wissen zuhalten.

Vnd wo er der Zeugwart von andern gefragt wirdt / ob nicht mangel an diesem oder dem / soll er sich allwegen mit gutem trost hören lassen/ er hab sein noch genug/ da sen noch kein mangel/darmit dester weniger wenche vnder das Kriegsvolck kommen mög.

¶

Der



## Von Kriegshändeln.

Der Zeugwart soll auch im ziehen alle nacht die Puluerwägen stellen oder bevehlen zustellen auff ihren verordneten platz / wie dann das durch die Quartier vnd Zeugmeister angezeigt wirt. Dar nach die andern Artelarenwägen / als ein Wagenburg / darumb schliessen / Dar zu sollen ihm andere Zeugdiener hülfflich seyn / damit niemandts zum Puluer mög kommen / mit Feuer / weder freunde noch feindt / in Lerman oder sonst.

Er soll auch alle morgen / so die fuhrleut angespannen haben / widerumb jedem Furman anzeigen wie er faren soll / damit er die Wägen in ordnung behält. Es wil sein maß haben wie jeder wagen gehen soll / darmit man kündt einem jeden zeugdiener sagen : Da findestu den Wagen Da den andern.

Es weiß mancher Fuhrman selbst nit / was er furt / Es wehre auch nicht gut / daß man es allmal wissen solt.

Des Zeugwarten Soldt auff sein  
leib/



## Von Kriegshändeln. 50

leib / ist alle Monat sechzehn Gulden.  
Des Zeugwarten Schreiber acht Gulden.  
Des Zeugwarten Jungen vier Gulden.  
Wil dann der Zeugwart noch ein gerüst  
pferdt halten / zu dem seinen / das an Mu-  
sterung der Reifigen besteht / darauff sol  
im der Zeugmeister schaffen ein Monat  
zehn Gulden.

Item so man Hufeisen / Hufnagel /  
vnd dergleichen / in der Artelaren bedarff /  
so soll es der Zeugwart denen so ihr not-  
dürfftig seynd / vmb Gelt geben / wie dann  
das vom Leutnanten taxiert wirt / dar-  
vmb sol der zu seiner zeit Rechenschafft  
geben vnd Bezahlung thun / Desgleichen  
sol er denen / die sein bedörffen / Spieß ge-  
ben vmb gelt / sie seyen Reifig oder Fuß-  
knecht.

Desgleichen Harnisch vnnnd Büch-  
sen / auch den Handischüssen / zündstrick /  
Spieß vnnnd Zündpuluer / geben vmb  
Gelt.

Item so es sich zutrüge / daß man  
G ij ein



## Von Kriegshändeln.

ein Sturm oder Schlacht fürneme oder sich deß versehe / so wirt gewöhnlich im Leger umbgeschlagen / allen Handtschützen bey der Artelaren / Puluer vnnnd Bley zu holen / Als dann sollen die Hauptleut ihre Schützen mustern vnnnd abzelen / wie viel der vnder jm / oder seinem Fenlin hat / der soll bey seinem Endt / vnder seinem Bitschier / die zal der Schützen dem Zeugmeister bey zweyen Rottmeistern / oder seinem Trabanten zuschicken / Als dann soll der Zeugmeister seinem Zeugschreiber / denselben Zettel in ein Register oder Buch abschreiben lassen / vnd dem Zeugwarten befehlen / wie viel demselben Hauptman auff ein Schützen / Puluers oder Bley zugeben.

Darzu soll der Zeugmeister dem Zeugwarten / den verbitschierten Zettel vom Hauptman aufgangen vbergeben / damit der Zeugwart sein Rechnung thun mög.

Also gibet man gewöhnlich auff einen



## Von Kriegshandeln.

51

nen Schützen/ einen vierling puluers/ vñ  
ein halb pfund Bley / Dann wann man  
viel gibt/ so ist vil verloren vnd vergebens  
verschossen. Bedörffen sie dann zündts  
strick/ oder zündtpuluer / sol es ihn mit der  
maß auff tag vñnd nacht / auch gegeben/  
vñnd durch den Gegenschreiber mit fleiß  
beschrieben werden.

Item so ist gewöhnlich im brauch/ wenn  
man sich Sturm oder Schlachten vers  
sicht / so leßt man umbsehlagen / welcher  
Harnisch bedarff / der zeig sich seinem  
Hauptman an/ dem wil man Harnisch  
verschaffen zu gebē / vmb ein zimlich gelt/  
vñnd welcher dann nicht zu bezahlen hat/  
dem wil man alle Musterung einen guls  
den daran abziehen / biß er solchen Harn  
isch bezahlt.

Darnach sol der Zeugmeister / den  
Zeugwarten befelhen / den Hauptleuten  
selbst das Harnisch zugeben. Es sol auch  
derselb Hauptman dem Zeugwarten/ vñ  
der seinem Bittschier vñnd handtzeichen/

¶ iii

ein



## Von Kriegshändeln.

ein schriftlich bekandnuß geben / wie viel er Harnisch hinweg hab / da soll dieselbe handtschrift / oder Hauptmans zettel / vonn dem Zeugschreiber in des zeugmenssters Register / wie verlaut / copirt vnd eingeleibt werden.

Darnach soll der Hauptman das Harnisch seinen Knechten vmb das Gelt geben / wie ihm das der Zeugmensster Taxiert hat / vnnnd in sein zal Register schreiben / so zeucht er zu seiner zeit / auff alle Musterung den Gulden herab / biß solchs bezahlt.

Vnnnd als baldt gibt der Zeugwart vonn jedes Hauptmans bekandnuß ein abschrift / wie viel er Harnisch hinweg hab / dem Zalschreiber oder Pfennigmensster / der die Fußknecht bezahlt / Der gibt alle Musterung den Hauptleuten Gelt / den Fußknechten auff dieselben zettel.

Also bleibt dem Kriegsherrn das Gelt für das Harnisch in seinem gewalt / vnnnd thut er Zeugwart sein rechenschafft für



## Von Kriegshändeln. 52

für das Harnisch/ auff der Hauptleut bes  
tandenuß.

Dermaßen pflegt man mit den lan-  
gen Spiessen vnder den Knechtē zu thun/  
desgleichen thut man der Reuteren Har-  
nisch/ auch wann sie knie buckelen/ helma-  
lin/ oder stirn auff die Beul begeren/ so  
müssen ire Hauptleut darfür stehen/ auff  
die Soldt/ oder mit barem gelt bezalung  
zu thun. Desgleichen beschicht auch so  
die Knecht handtror annemen/ von der  
Artelarei/ muß auch mit solcher maß/ wie  
vor steht/ bezahlt werden.

Es geschicht oft/ daß öffentlich auß-  
gerufft vnd vmbgeschlagen wirt/ welcher  
Knecht ein handtror tregt/ dem wil man  
ein Monat eins dicken pfennig mehr/ o-  
der etwan ein halben Gulden geben/ daß  
einem der ein langen Spieß tregt/ gewöhn-  
lich so man sich einer Schlacht versicht/  
Doch sol der Zeugwart den Spieß vom  
Langknecht nemen/ so er ein Büchß be-  
get/ in dem gelt abziehen/ wie er die Spieß

G iij vnder



## Von Kriegs handeln.

Vnder die knecht gibt. Es begibt sich auch zu zeiten/ daß die Trummeter auß befehl der Obersten Hauptleut/ im Veldlager vmb blasen/ vnnnd durch Ehrenholdt bes ruffen/ vnnnd in sonder wenn man sich ei ner Schlacht versicht/ welche die seien/ Edel oder vnedel/ einspennig/ Jungkern/ oder Knecht/ die ihre füriß harnisch nicht haben/ den wöll man auß der Artelaren zu irem gewönlichen Harnisch/ so sie vor haben/ helm lin/ vnnnd kniebuckeln/ auch stirnen auff die Geul herfür geben/ damit die dester baß im getreng/ bey den freunds den/ auch vor Feinden/ desto thätlicher bleiben mögen. Vnnnd welcher das annemen wil/ der sol des Monats auff sein pferd/ zwen gulden mehr haben/ dann er bißher gehabt. Es sollen auch die Hauptleut die selben/ so das annemen wöllen/ beschreibē/ darauff sie das Harnisch genom men haben.

Item so dann die Wagen mit pul uer/ Kugeln vnnnd ander munition gerin gerts



## Von Kriegs händeln. 53

gert werden / so mag man die Fuhrleut/  
so sein begeren / vrlauben vnd wider faren  
lassen / vnd diese so am besten gemant oder  
getrost seind behalten / Es were dann sache  
daß Schloß / oder Stätt gewonnen wür-  
den / so schickt es sich offte / daß man Büch-  
sen / Puluer / Kugeln / vnd ander Munis-  
tion gewint / vnd mehr Roß / wagen vnd  
Leut bedarff / dann vor.

Es ist auch in gemeinem hauch / daß  
man der geschossen Kugeln / etwan vil wie-  
der findt / sie seyn der feind oder freund ge-  
wesen / so sol sie der Leutnant wider lösen /  
von denen die sie bringen. Nemlich für ein  
mehen / basilisken / nachtigal / Singerin /  
vnd Carthone / das seind maurenbrecher /  
sol geben werden vier kreuzer / Für tra-  
cken / schlangen kugeln / eine zwen kreuzer /  
für ein Falconet kugel ein kreuzer. Das  
ist darzu gut / daß die Kugeln wider ge-  
braucht werden / wann man nichts dafür  
hett / würden die selten wider kommen.

Vnd wenn der Leutnant der Kugeln  
G v hat/



## Von Kriegshändeln.

Hat/so soll sie der Zeugwart vonn ihm inn  
die Artelaren nemen/vnnd dem zeug Leus  
finanten deß ein zedlin geben / vnder seine  
handzeichen oder Bitschir/ wie viel Ku  
geln er empfangen hab / darnach nimpt  
der zeug Zalschreiber / oder Pfennigmeis  
ter denselben zettel/ vnnd bezahlt dem Leus  
finanten die kugeln darauff / Also mag  
dem Kriegsherrn abermals nichts abge  
tragen werden / es werden dan zwen oder  
dren Boshwicht darob.

Darnach nimpts der Zeugwart/ vnnd  
treibt dieselben Kugeln / durch die leher  
seiner Kugeln / so zu den Büchsen gehö  
ren/das er hat/ Vnd was er gerecht findet  
das thut er zu denselben seinen Kugeln/  
vnnd sie wider hinein schießen / was nicht  
gerecht ist/das thut er besonder / behelt sie  
biß im die Büchsen auch darzu werden.

## Schankmeisters Bevelch.

Der Schankmeister soll mit dem  
Zeug



## Von Kriegsghändeln. 54

Zeugmeister / vnnnd seinen Leutnanten/  
auch den andern/so von den Kriegsgräthen  
dazu verordnet werden / der Schloß vnd  
Stett (darfür man sich vereint zu legern)  
Platz vnd Malsstett besehen/ vnnnd helffen  
anschlagen / wie man am besten mit dem  
zeug fürkommen mög/ bey tag oder nacht  
ob der boden die grossen Stück / als die  
Messen / Basilisken / vnnnd ander schwer  
Büchsen tragen mög oder nit/ ob es Grä-  
ben / Moß oder ander wasser in holen wä-  
gen / wasser fell / oder anders nit hindere/  
deßgleichen wo der Feindt wehren hinder-  
ren oder nicht.

Der Schanzmeister soll auch alle  
wegen mit etlichen Geschirrmeistern/  
Schanzbawern/ Zimmerleuten vnd an-  
dern mit ärtzen/ Holz zu fellen / Brucken/  
Steg vnd weg zu machen / bey dem Reus-  
nenden hauffen vorhin zu ziehen mit iren  
fundtschafftern / die landtkündig sein/ die  
weg vnd Steg wissen/die besehen/ob man  
mit dem Geschütz fürkommen mög/oder  
nicht/



## Von Kriegshändeln.

nicht/die Brücken/Steg vñ Weg zu bes-  
sern/darmit der ganz Zeug deſter baß her-  
nach kommen möge.

Darzu wissen die Geſchirrmeyſter  
wol zu rathen/ vñnd anſchlag zu machen/  
ſonderlich an den Rencen / in den Gebir-  
gen / ſonſt thuns die langen züg an den  
Büchſen nicht / als andere gemeine Wä-  
gen/die nicht lange züg haben / dazu muß  
man offte frembde vñnd vngewöhnlichen  
weg ſuchen.

Deß Schankmeiſters beſoldung/  
iſt eins Hauptmans Soldt / ein Monat  
vierzig Gulden / auff einen Jungen ein  
Sold / zween Trabanten / darauff vier  
Sold/wil er eins oder zwey gerüſter pfer-  
de zu dem ſeinen halten/das ſtehet zu jme/  
doch daß dieſelben / wie vor laut / bey den  
Reiſigen / an der Muſter beſtehen/ vñnd  
ſich brauchen laſſen in allwegen / wie an  
der Zeugdiener / denſelben gehört für ihr  
Beſoldung/ein Monat zwanzig gulden/  
das macht alles in der Summ/ſo auff den  
Schank



## Von Kriegshändeln. 55

Schankmeister gehört / ein Monat achtzig gulden.

Item der Schankmeister vnnnd der Schankbawern Hauptman sollen dran vnnnd darob sein / die Schankförb zu machen / darzu soll der Zeugmeister etliche Zeugdiener vñ Büchsenmeister auch verordnen daß sie zusehen / daß die Körb nicht zu groß / nicht zu klein / nicht zu hoch oder nider gemacht werden / man kan sie selten bey einander machen / einer da der ander dort / sonst bedörfft es nicht viel Leut darbey zu seyn.

Auch der Schankmeister / sol die Büchsenmeister beschanken vnd verbanen / nach dem allerbesten / mit rath des Zeugmeisters / vñ der verordneten Kriegseut / so vom Kriegsrath darzu gegeben vnd verordnet werden. Alles nach gelegēheit der gegenwehr / dahin muß die schank am stercksten sein.

Er sol auch die hut vnnnd wacht verschanken / auff das aller sicherst / so möglich



## Von Kriegshändeln.

lich ist/auch mit ihren wehren vnnnd Gräben/Ob man sie vberfallen/vnd das Geschütz verschlagen / oder abtrogen wolte/das sie Gräben vor ihn vnnnd dem Geschütz haben.

## Von Schantzbarren/vnd ihren Hauptheuten.

Zu der Artelaren sollen nicht minder besoldt vnd vnderhalten werden/dann vier hundert Schantzbarren / der darff man zu viel zeiten wol / vnnnd ist ein sehr nutz volck. Ehe man jr gerathe oder mansegele / solt mann ehe vier hundert Knecht minder haben im hauffen / Sie thun viel nottürffiger arbeyt/das dem ganzen Leiger zur fürderung vnd gutem kompt. So ein Veldleger einen tag still ligt/vnnnd nit von land mag/etwan Brücken / furt/steg vnnnd weg halben / die durch die Schantzbarren gemacht werden / Was geht dem Kriegsherren für ein vnkosten auff das ganz



## Von Kriegshändeln. 56

ganz leger? Wie geht es wenn man schanz  
ben soll auff ein nacht / vnd mag in dreyn  
nicht geschehen? Was bringt das dem Le-  
ger / vnd etwan dem ganken Krieg nach-  
theil vnnnd zerrüttung? Was mögen die  
Feindt / in der selben zeit entgegen bawen/  
daß man etwan fünff / oder sechs tag lens-  
ger zuschiessen hat dann sonst / ja zu zeiten  
gar mit schandē dauon ziehen müsse / das  
sonst nicht geschē / wann fürderlich ges-  
chanzt vnd geschossen würde.

Darumb sol ein jeder Kriegsherr /  
sich nicht tawren lassen / was die Schanz  
bawen für kosten brauchen. Ein stunde  
gibis wider / was zween Monat auff sie  
gehet.

Item der Bawern Hauptman / soll  
ein gerüst Pferd halten / Er wirt gebraus-  
chet wie ein ander Zeugdiener / sol also eins  
geschrieben werden.

Item er soll auch darob vnnnd daran  
seyn / daß die bawern ihr Quartier / vnnnd  
Losament nechst bey der Artelaren haben /  
wenn



## Von Kriegs händeln.

wenn man jr bedarff / daß sie bey der hand  
seyen.

Der Hauptman soll auch bey seinem  
Eydt / ohn des Obersten Zeugmeisters  
wissen vnd willen / kein Bawren auffnem-  
men / noch hinweg erlauben.

Er sol auch bey dem gemelten Eydt  
anzeigen vñ nit verhalten / wo ein schantz-  
bawer schaden nem oder sonst stürb / einer  
oder mehr hinweg lieff / darmit andere an  
die stat genommen / oder im Register auß-  
gethan werden / vñ die hingelauffen seynd  
irer Herrschafft zu schreiben / gegen dens  
selben zuhandeln / als meynendigen trews-  
losen leuten / der gebür nach.

Item es sollen allwege zwölff Baw-  
ren ein rott haben / Einen Rottmeister sol-  
len sie selbs erwählē vnder jn / darnach dem  
Hauptman vnd Zeugschreiber denselben  
Rottmeister anzeigen / so wirdt er mit sei-  
ner rott sonderlich auffgeschrieben / vñnd  
dem Hauptman ein Reuers darvon ges-  
ben / der weiß darnach eine Rott nach der  
andern



## Von Kriegehandeln. 57

andern zu fordern / wann vnd wie vil man  
ir bedarff im vorzug / im nachzug / jezt da /  
dann dort / Also geht es vmb / daß ein rote  
so viel gebraucht wirt als die ander / dies  
weil sie allweg nicht all gleich mit einan-  
der gebraucht werden.

Wenn man die Bawren mustert /  
soll ein Rott nach der andern durch zuge-  
hen gefordert werden.

Item die Schankbauern sollen ein  
schlechts / rings Fenlin haben / mit seinen  
zeichen / hawen vnd schauffeln daran ge-  
malt / einen Trummen schläger ohn ein  
Pfeiffer / den braucht man allein zu dem  
vmb schlagen / wann man die Schankbaw-  
ren brauchen wil / all zu mal / die oder jhes-  
ne Rott / das soll der Hauptman befehl-  
hen.

Wenn man sie alle brauchen wil / soll  
der Fendrich das Fenlin fliegen lassen /  
auff den platz / da der Bawren gewonlich  
am meisten bey einander seynd.

Der Trummenschläger / soll vmb  
H die



## Von Kriegshändeln.

die Quartier / vnd Artelarei vmbschlag  
gen / allen Schansbauern zu ihrem Fen  
lin / da werde sie bescheid finden / Bey dem  
Eydt soll es gebotten werden. Welcher  
solichs sieht vnd hört / der soll bey seinem  
Eydt / von stund an zu dem Fenlin kommen /  
mit seinem Wassen / als Hauwen / Bi  
ckeln / oder Schauffeln. Es soll auch ein  
jeder Bauer seine Hawen / Bickel / oder  
Schauffeln / für sich selbs haben / auff sein  
kosten / er breche oder verliere / soll im der  
Zeugwart ein anders vmb das Gelt ge  
ben / Die vbrigen Hawen / Schauffeln  
vnd Bickeln bey handen behalten / ob es  
sich beuge / daß man vber die Bauern  
noch mehr arbeiter müß haben / vnd vn  
der den Knechten vmbgeschlagen werde /  
als dann offte geschicht / daß dieselbigen  
Werkzeug darauff gewertig seyn sollen.

Item / es soll kein Bauer ausser dem  
Lager ziehen / on des Hauptmans erlaub  
nuß / es sey gleich ferz oder nahende.

Item / wann sie gemustert seind / soll  
jnen



## Von Kriegshändeln. 58

ihnen Geld gegeben werden / von stundan /  
wie andern Kriegsleuten. Es soll auch ihr  
Monat an vnd außgehn / wie andern Ar-  
telaren personen / vnd ir Soldt sollen alle  
gleich sein ein wie dem andern / alle Mo-  
nat vier Gulden / Fendrich / Kottmeister /  
vnd Trummenschlager / gilt alls des orts  
einerley Sold / das ist vier Guldē. Sum-  
ma / tausent / sechs hundert Gulden.

## Deß Schankmeisters Proueit.

Dem Schankmeister gehören vor-  
aus nach eroberung der Schloß oder  
Stett / alle Schankrost / Korb / Gestreb /  
Ansez vnd all ander holzwerck / das man  
nicht mit führt / das mag er nach seinem  
muß verkauffen wem er wil / es seyē Hürt /  
oder Brücken / darauff man scheußt / ist  
alles sein.

H ij

Der



## Von Kriegshändeln.

### Der Büchsenmeister vnnnd Feldtschützen End.

Ihr Büchsenmeister vnnnd Feldtschützen werdet da angeloben vnnnd ferner leiblich einen Eydt zu G. D. schweren/  
N. vnserem Gnedigen Herrn / 2c. dem  
Kriegsfürsten / getrew / gewer / vnnnd ge-  
horsam zu seyn / allen zimlichen gebotten  
gefölgig / schaden warnen / Ehren / vnd  
frommen fürdern / auch alles anders zu  
thun vnd lassen / das dem Herrn vnd gans-  
ken Veldtleger zu gut reichen mag / als  
den frommen vnnnd Vider Kriegsleuten  
zusteht / vnd das jr allsamentlichen / vnd  
besonder schiessend / dem Kriegsherrn zu  
gut vnd nuß / den Feinden zu wider vnd  
schaden / nach ewerm besten vermügen  
vnd höchstem verstande / alles getrewlich  
vnd vngesährlich.

Deßgleichen sollen vnnnd wollen ihr  
all in massen vnd krafft diß Eydts / wie  
dem



## Von Kriegshändeln. 59

dem Kriegsherrn N. ewerm zeugmeister/  
oder seinem Leutinant / in abwesen des  
Zeugmeysters / gefölgig vnd gehorsam  
seyn. Antwort/ Ja Ja.

### Der Büchsenmeyster Pro- ueit vnd vorthail.

Den Büchsenmeystern stehet vor vnd  
ist ire proueit / so ein Statt oder Schloß  
benötiget / zu dem auffgeben / oder mit  
Sturm erobert wirdt / so seind die Kus-  
geln vnd Puluer so in den Büchsen blei-  
bet / ihr.

Darzu die angebrochne / vnd eröffne-  
te Puluerfäßlin / die soll der Herz von  
inen lösen / vngefährlich was das werth/  
Darzu gehört inen desselbigen Schloß  
oder Statt / größte Sturmglöcken / die  
werde dann von inen gelöst.

Darzu soll man ihnen den Amptleu-  
ten der Artelaren / mit sampt den Büch-  
senmeystern / ein verehrung thun / zum  
N iij wenig



## Von Kriegshändeln.

wenigsten ein Monat Soldt. Es ist et-  
wan gewesen / daß man durch die ganz  
Artelarei / allen personen gegeben hat / ein  
Monat Soldt / so es mit dem Geschütz  
zum auffgeben getrenget ist worden / ohne  
den Sturm.

## Der Geschirrmeyster Bevelch/ vnd Ampt.

Die Geschirrmeyster nehmen ges-  
wönlich von Fuhrleuten die / welche die  
straß jr tag vil gefahren / andern Fuhrleu-  
ten wol bekandt / die wissen am besten / wel-  
che Fuhrleut wol gemant oder getrost  
seind / gute Roß vnd Geschirz haben.

Sie werden gewöhnlich von dem  
Zeugmeyster außgesandt / die Wagen  
Roß vnd Fuhrleut zubewerben vnd bes-  
stellen.

Die Geschirrmeyster sollen allen Ab-  
bendt / den Zeugmeyster in seinem Losas-  
ment / nach bescheydt fragen / daß ers den  
Fuhr-



## Von Kriegshändeln. 60

Fuhrleuten künde ansagen / zu welcher zeit sie anspannen sollen / vnd warten weiß man anziehen wöll / vnd wo sie die Teichsel hinwenden sollen zu fahren.

Es soll auch der Zeugmeister im zu erkennen geben / wo man hinfahren wöll / aber nicht weiter / dann dieselbig tagreiß / Das soll der Geschirrmester bey seinem Eydt / in geheim behalten.

Aber not ist es / daß der Geschirrmeister deß ein wissen hab / er muß je mit dem Schanzmeister helffen die weg bereiten / vnd besehen im vorziehen / darzu Rahten vnd reden / die Brucken vnd weg zu machen. Es ist deßhalben nicht wenig an eim Geschirrmester gelegen / sie versichens auch gewonlich baß / was die langen züg an den Rencken oder fehren vermögen / oder nicht vermögen / dann ander Leut.

Sie wissen auch baß was die Brücken tragen / oder nit tragen mögen / dann ander / Darzu so sie den bodem sehen / können sie in auch vor andern kenne / ob die

H iij Büch



## Von Kriegshändlen.

Büchsen versincken oder nicht. Item so man an die Gebirge kompt / muß man acht nehmen / ob die hole wege weit genug seyen den Achsen der grossen Büchsen. Dieweil sie etwan weiter geächst seind / dann die gewonlichen Wägen. Ist es in den Holwägen / Felsen vnd Steinen / so muß man die grösten gefäß zerlegen / da gehören die schneller / vnd Schmidt / Zimmerleut / vnd Redermacher zu / die es auff ander ringere wägen legen / die das gelenß haben / vnd in stückweiß hindurch führen lassen / Darnach sollen die wider abgeladen / vnd zusammen geschlagen werden.

Seind dann die hollen wäge Sande oder Erden / So mag man die mit den schankbauern wol raumen lassen. Doch sollen allweg die Obersten dem Schankmeyster / vnd andern / die in vorzug verordnet werden / Landekündig vnd wissenschaftle leut / die der Stege / Furt / vñ Wege wissen haben / zugeben / Dann wo das vorziehen falsch vnd ungerecht ist / so geht der  
gank



## Von Kriegshändlen. 61

gantz Feldzug jr / darumb ist viel an  
kundschaften gelegen. Doch sollen die  
Obersten dem kundschaften ires ziehens  
nicht weiter zuerkennen geben dann ein  
Tagreiß / vnd daß er dieselbig in geheim  
behalte / vnd niemand eröffne / biß die bey  
einander seind die er führen soll / damit  
Meuteren verhüt bleib.

Diz bringt zwo frucht / erstlich daß  
die Feinde nicht wissen / wo sich der  
Feldzug am nechsten hinwenden werde /  
vnd destler weniger vor schaden gewar-  
net seyen.

Zum andern / daß die Feinde destler  
weniger das Feldleger an irem fürnem-  
men verhindern mögen die Paß zu verhü-  
ten / Brücken abzuwerffen / die gebirg vnd  
holweg zu verschrencken / die Wäld vnd  
Hölzer zu verhawen / etwan die Lämm  
vnd Teich zueröffnen / die engen Thäler  
mit Wasser zuerfüllen / darnach etwan die  
Büchsen vnd Puluer sich errencken / biß  
man durch die furt kompt.

H v

Darumb



## Von Kriegshändeln.

Darumb ist nicht gut/das die feinde wissen haben / wo das Leger den kopff hinauß wenden wil / Wiewol sie nicht allmal dem Leger sein fürnehmen wenden möge/ so bringt es doch groß ver hinderung / biß man auff bricht/bauwet/oder wider Brücten macht / dardurch dem Leger langer verzug/mercklicher kost erfolgt/ vnnd den Feinden sondere frucht/vnnd herb bringe

Darumb sol man das Puluer inn guten vermachten Fassen führen / die wol verspungt seynd / darmit von wasser nicht hinein mög / wo man durch die geschwelten wasser faren muß.

Es sollen auch die Büchsenmeyster das geladen Geschütz bey dem ansatz/auff das aller höchst auffrichten / damit kein wasser zur Kugel in puluer sack renchen mög / darzu die zündlöcher mit Wachs verkleiben / so schadet es nichts / wie tieff das Maul / oder fordertheil am Rohr ins Wasser hang.

Wann dann die weg beritten / vnnd gemacht



## Von Kriegshändeln. 62

gemacht seind / biß an die malstat da das  
Lager dieselbe Nacht wirt / so sol dann der  
Geschirrmeyster wider zu ruck reiten / dem  
grossen Geschütz entgegen / demselben  
vor zu reiten / die weg zu weisen / die er vor  
hat helffen bereiten / es sey Tag oder  
Nacht / damit sie auff dem rechten gefert  
bleiben mögen.

Wann aber der Geschirrmeyster  
mehr dann einer wer / als offte geschicht /  
so sollen die andern / einer oder zween bey  
dem grossen Geschütz bleiben / ob ein  
Büchs versinck / oder besteeckt / oder ein  
bühel so hoch / daß er darober sein Büchs  
nicht bringen möcht / so sol der Geschirrs-  
meister von andern Wägen Roß ersor-  
dern / den fürzusehen / biß er wider vonn  
landt fahren mag.

Item man hat gewönlich zu zweys  
hundert Wagenrossen ein Geschirrmeis-  
ter.

Es ist ein sehr gut ding / fünffzig o-  
der hundert ledige Roß / mit ihren Ge-  
schirren



## Von Kriegshändeln.

Schirren neben den zeug zu gehen/ Es bringet etwan dem Kriegsherrn vnd ganken Feldtleger grossen nutz/ Were zu zeiten gut/ daß man die hett/ vnd so vil reisiger Pferdt dester minder/ wo man den kosten schewen wolt. Es weiß niemandt/ daß es so groß fürdert zu ziehen/ dann die/ so viel darben gewesen seind. Der ursachen/ man darff vñ sol keinen Wagen dahinden lassen/ so muß man mit dem Feldtzug ordnung halten zu ziehen/ was im vorzug verordnet ist/ das muß im vorzug bleiben/ der gleichen der nachzug darff nichts hinder ihm lassen das hinfür gehört/ so muß man bey dem gewaltigen hauffen bleiben lassen/ was verordnet wirdt.

Also muß etwan das gang Leger still halten/ von eines einigen Wagen/ oder Büchsen wegen. Die geschirrmeyster sollen auch den Fuhrleutē vorreiten vñ gehn/ bey Tag oder Nacht/ so man dz Geschütz in die Schanz führen wil/ weg weisen/ helfen/ vñnd rathen/ daß die Büchsen  
recht



## Von Kriegshändeln. 63

recht geführt/gestellt/vnnd außgesetzt werden.

Item so man in die Schank führen sol Puluer/Rugeln/Keder/Gefäß/oder anders zu der notturfft / so sol der Geschirzmeister denselben Furleuten/die darzu gehörig / das schaffen zu thun / vnnd darob seyn / daß solchs fürderlich geschehe / mit laden vnd führen.

Es sol auch der Zeugmeister verordnen/ daß alle Monat durch den Leutnanten / Schatzmeister / Geschirzmeister/ Zeugschreiber / vnnd ander Zeugdiener/ darzu alle wagenroß gemustert werden/ was vntauglich außmustern.

Vnnd sol der Zeugmeister ein blinde Musterung thun / vngewarnter sacht / wann man im ziehen ist/ daß er den Zeugschreiber mit dem Muster zedel bey ihm habe/darzu die Geschirzmeister / So findet er jetzt im faren vnnd einspannen der Geschirzen / welcher sein anzahl Pferde hat oder nicht.

Der



Von Kriegshändeln.  
Der Schneller Bevelch/  
Ampt vnd arbeit.

Der Zeugmeister sol auch haben  
acht schneller/die da auch die grossen stück-  
büchsen von eim Wagen auff den andern  
heben / vnnnd die Büchsen / so oft es noth  
ist / helffen schmiren / die zeug vnd Munis-  
tion / auff vñ ab helffen laden / Vnd wann  
man im zeihen ist / sollen sie auff die gros-  
sen stück Büchsen warten / wanns noth  
geschicht / daß sie helffen handt anlegen/  
darmit man bald wider von statt kommen  
mög / vnd was ihnen zu viel / vnd nicht in  
ihrem vermögen zutragen / zulegen / vnd  
heben / Dazu sollen inen die Schantzba-  
ren hülfflich seyn / durch ires Hauptmans  
bevelch / oder geschafft des Schantzmeis-  
ters / Zeugmeisters / oder seines Leutis-  
nants / mit einer Rott / drey / zehen / oder so  
vil ir not ist. Vñ derselben Schneller / ge-  
bürt einem ein Monat sechs gulden / thut  
in Summ / acht vnd vierzig gulden.

Der



Der Artelarei Profosen  
Ampt.

Der Profos der Artelarei / hat diesen bevelch / daß er ach habe mit andern Profosen / vnd Prouiantmeister / daß die Artelarei mit Prouiant versehen werdt / mit Fleisch / Wein / Brot / Bier / vnd anders in die Artelarei verschaff / das schäcke / vnd erlaube hinzugeben.

Welcher Fuhrmann etwas verkauffe von Prouiant / ehe daß der Profos schäckt / dem mag der Profos die Prouiant gar nemen / dem gebrauch vñ Kriegsrecht nach. Gebe aber der Verkaufser die Prouianten tewr / vnd schlage damit höher auff / dann es ihm geschäckt were / so hat der Profos abermals gut macht / daß er sie all nehm / vnd das Gelt darzu / daß er vber die schätzung / darauf gelöst hat / Das ist alls darvmb angesehen / daß der Arm hungerig Kriegesnecht / der nicht wagen hat / speiß  
mit



## Von Kriegshändeln.

mit ihm zu füren / vber die billichkeit nicht  
geschätzt werden.

Vnd sol auch der Profos die Pro-  
uiant schätzen / daß der verkauffer einen  
zimlichen vnd redlichen gewinn hab / dar-  
innen er vnnnd ander verkauffer / sich des Le-  
gers bessern / vnnnd desto williger werden /  
mit der Prouiant wider zu kommen / daß  
das Leger hungers halb / nicht entweichen  
dürffe.

Item es hat ein jeder macht / die Pro-  
uiant näher zu geben / dann es im geschätz-  
et ist / aber nicht höher / Der abschlag fin-  
det sich selbs / welcher bald verkauffen wil /  
der gibt dester näher.

Item wann einer in der Artelaren  
schaden thut / vbers verbot / so dem andern  
in gemeinem Artickelbrieff verbotten ist /  
vnd insonders waleis handel / so soll der  
Profos den mit hülff des Zeugmeisters  
Trabanten annehmen / an einem wagen  
schmieden / oder in die eisen setzen / biß auff  
des Zeugmeisters weitem beuelch / vnnnd  
was



## Von Kriegshändeln. 65

was ihm der Zeugmeister sonst weiter in der gleichen fällen beuillicht / zu straffen / gegen dem vngchorsamen.

Er soll sonst auch warten auff den Zeugmeister / als ein Trabant / solichent Profosen helt man kein Steckenknecht / vnnnd ist sein monat Soldt zu landern fals len drey Söld / vnd seinem Jungen einer.

Item wann ein Person in der Artes larey stürb / die keinen richtigen Herrn hette / vnd sein name in den Kriegs Registern nit gefunden würde / daß er in diesem Veld leger / als ein besolder nicht were / den erbe der Profos / was bey im gefunden würt: Es wer dann / daß desselbigen gestorbenen Vatter / Mutter / Schwester / oder Bruder / oder sein Ehefrau vor Augen / vnnnd entgegen were / auch daß sie solchs mit dem Endt erstatten möchten / sonst hilffe kein sipt / Deßgleichen so ein Fraw stürb / wirt es auch der massen gehalten.

So aber ein dienstman oder Besolter schaden neme / oder sonst stürb / der gar  
I  
kein



## Von Kriegshändeln.

Fein gesipten freund bey sich hat / derselbis  
gen vermügen / sampt seinem verdienten  
Soldt / sol dem obersten Zeugmeister ge-  
geben vñ beuolhen werden / seinen Lands-  
leuten solches daheim anzuzeigen / damie  
den Erben / seinem Weib / oder Kindern /  
oder wer sie seind / das ihre werde. Also sol  
es in den andern zweyen Regimentē auch  
gehalten werden.

## Die Freyheit der Artelaren.

Die Freyheit vnd alt herkommen ist im  
Kriegegebrauch der Artelaren / So sich  
begebe im Veldtleger / vnder dem Kriegs-  
volck / sie seyen zu Ross oder Fuß / hoch od  
nideren standes / so einer den andern entleis-  
bet / oder auff den todt verwundt / vnd das  
geschehe auß hikigē gemüt / ob dem Spiel  
vmb geld schulden / vmb Schmachred / o-  
der wañ einer den andern zu streichen ver-  
ursacht ( doch das solchs nit vortrechlich /  
mordmessig beschehe / vnd wol bedacht ) so  
der



## Von Kriegshändeln. 68

derselb in die Artelaren flüchtig entrünne/  
vnd freyheit der Artelaren sucht vnnnd bez  
gerte/so sol derselb weder von dem Profos  
sen oder andern auß der Artelaren zu gez  
fengnuß angenommen werden / sonder ihn  
bey derselben bleiben lassen. Es wer dann  
sach/daß der beschädigt des thäters haupt  
man oder oberster were/so hett er kein freis  
heit bey der Artelaren/Auch kein Mörder  
kein Verräter/ Allein was außser der ver  
ursachung vnd hikigen gemüht geschehe.  
Welcher Herz od profos / auß freuel dars  
wider thut/der verschuld sich nit weniger/  
dann der wider Keyserliche Freyheit thut.

Vnnnd zu einer befestigung mehrer  
krafft solcher Freyheit / so stehet das dars  
auff / So ein eingrieff geschehe mit ge  
walt/von den Oberkeitē / so seind alle Ar  
telaren personen/ von ihrer pflicht / durch  
solche that ledig / vnnnd haben gut macht/  
außer dem Veld zu ziehen / zu freunden/  
oder Feinden vnverleßlich der ehrn. Thä  
te aber ein Vnderthon/ hoch oder niders  
I ij namens



## Von Kriegshändeln.

namens mit freuentlicher hand/wider sol-  
che freyheit/ so hat derselb (ohn gnad) den  
kopff verwirckt/ vnd bleiben all Regiment  
in irer ordnung / wie vor.

Es mag aber die that wol gerechtfere-  
tigt werden/ vor dē ordentlichen Feldrich-  
tern / ob die vermessenlich / verdächtlich/  
wol bedacht/ mit alten traw / vñ vber frids  
gebot/ oder mordmessig/ als hinderwerk.

Auß denen oder dergleichen vrsachen/  
mag der richter lauter darthun / wie recht  
ist mit der vriheil / dem thäter die freyheit  
wol aberkennen / als dann sol der Oberst  
mit wissen des Feldmarschalecks/ vñnd zu  
vor der Zeugmeister als ein Oberkent/  
durch den Profosen/ den thäter annemen/  
vñnd weiter ergehen lassen/ was die Rechte  
vermögen.

Item/ So einer die freyheit hat mit  
aller billichkeit/ vñnd dieselb nicht abgespro-  
chen werden mag / vñnd das Leger auffbres-  
che / so soll der Thäter bey einer Büchsen  
bleiben / in halb vier vñnd zwenzig schritt  
oder



## Von Kriegeshändelt. 67

oder gar darauff sitzen / biß inn das nechst  
Leger / so bleibt er abermals bey der Artes  
laren / Also fere er streckt sich dem Thäter  
die freyheit. Sieng er aber weiter darvon/  
besteht er sein abentheuer.

Also ist hinwider der größt freuel / so  
in dem ganken Leger beschehen mag / bey  
der Artelaren / vnd in der Schanz / Wels  
cher vber den andern zuekt oder schlegt/  
der ist on gnad / das haupt versallen / Dañ  
es ist kein Plaz der dienstlicher ist / zu ges  
meinem aufflauff vnnnd Lerman / dann an  
diesen zweyen orten / da man mehr schaden  
von zu gewarten ist. Es were dann ein bes  
sondere person / die ein Ampt bey der Ars  
telaren hett.

Item es sind auch alle Artelaren pers  
sonen aller tag / vnd nacht wacht gefreyet/  
dann sie ohn das offft mehr dann andere  
wachen vnd in gefahr stehen müssen.

## Von des gemeynen Kriegs mans Pflichten.

I iij

Die



## Von Kriegshändeln.

Diueil der Artickels brieff so den gemeinen Knechten gestelt / fürgehalten / vnd sie darauff in pflicht vnd Eydt auffgenommen werden / alles das jenig / deß sich mit thun vnd lassen halten sollen / inn sich schleußt vnd begreiffet / so wil ich vmb geliebter fürz willen / an statt deß berichts die form deß Artickelsbrieffs hin einverleiben.

## Artickels brieff der Fußknecht.

Die nachfolgende Artickel / solle  
jr N. vñ N. als irer N. Oberste  
vnd verordentem Haupt  
man schweren.

Nemlich daß ihr N. vnser Gnedigen  
Herrn schaden warnen / vñd frommen  
fürdern / vñd N. als Obersten Hauptman /  
oder wer an seine statt verordnet wirdt:  
Auch den Sendrichen vñd Weybeln / so  
euch von gemeinem man / nach laut seiner  
Bestallung / gesetzt werden in allen ihren  
zims



## Von Kriegs handeln. 68

zimlichen geschäften vnnnd gebotten als  
fromen Kriegsleuten gebürt / geuolgig/  
vnd gehorsam seyn wollen.

Wes auch der Oberst Hauptman/  
der andern Hauptleuten Fendrich/Wenz  
bel/Spielleuten/vnnnd Knechten gebieten  
oder schaffen würde / den sollen sie geuols  
gig vnd gehorsam seyn.

Ihr sollen auch R. von dem jr bestele  
seind / nicht mehr anheyschen vñ fordern/  
dann des Monats für ein einfachen solde  
vier gulden Keimischer werung/ je R. für  
ein gulden zubezalen / vñ sollen jr dreissig  
tag für ein Monat zu dienen Schuldig  
seyn. Desgleichen sollen sich die Fendrich  
vnd andere ämpter irer versprochen besols  
dung auch benügen lassen/ alles nach laut  
vnd innhalt ihres Hauptmans/ der einen  
jeden angenommen hat / Bestallung vnd  
Reuers brieff.

Item es sol sich in der Musterung  
ein jeder mit seinem rechten / vnd zunams  
men/auch die Statt/dariffen oder darbey

J iij cr



## Von Kriegshändlen.

er am nechsten geboren ist/nemen vnd eins schreiben lassen. Auch in der Musterung/ keiner auff des andern namen durch gehen/oder ander vortheil gebrauchen/noch jemandt darzu helffen / rathen oder fürdern/darmit N. von deswegen ihr bestelt/ mit vnbillichen vnd vnzuleffigen Sölden nit betrogen oder beschwert werde/wie das geschehen mag/oder künde / in keine weis. Welcher das vberfüre / der sol nicht allein trewloß/sondern auch meineidig sein/vnd für ein schelmen gehalten werden/darzu mit dem Hencker an seinem leib peinlich gestrafft werden.

Item welcher Gelt empfahet / darumb er noch zu dienen schuldig ist / vnd darüber on kündliche erlaubnus des Obersten Hauptmans / hinweg zöge / sol auch trewloß/meineidig/vnnd ein schelm seyn/darzu von eim jeden an leib vnnd gut gestrafft werden wögen/vnnd der allenthalsben im reich niender kein Freyheit/geleyt oder sicherheit haben.

Item



## Von Kriegsständen. 69

Item so Stett vnd andere besatzungen / mit tading auffgenommen wurden / derhalb sol euch die Oberkeit nichts schuldig seyn.

Item so Schloßer / Stett / oder ander besatzung / oder Fleckē / mit dem sturm gewonnen wurden / so sol der Oberkeit geschüs Puluer vnd was darzu gehört / auch prouiant zu nottürfftiger Besatzung des selben gewonnen Fleckens / vor behalten seyn / was aber sonst ein jeder von anderer farender haab / oder gefangenen gewindt / das sol jm nach Kriegs ordnung bleiben / oder an gemeine beut kommen. Vnd wo einer dem andern / sein gebürendt gewinnung mit gewalt abtrüng / oder neme / der oder dieselben sollen darumb nach erkantnuß des Obersten Feldthauptmans gestrafft werden.

Item N. Kriegsherrn sollen auch vom Sturm oder Schlachten wegen / die ihr thun würdet / weiter nichts / dann wie jr ewer Besoldung halber bestellt seyt / schuldig

I v dig



## Von Kriegshändeln.

Big sein / auch je darumb ferner oder weiters nichts an sie fordern oder heischen.

Kindbetterin vnd andere Schwangere Frawen / Jungfrawen / alt erlebt vberjähriche leut / jung Kinder / minder jähriche Knaben / Priester / so zu den Pfarckirchen gehörig / so ferr sie sich zur gegenwehr nichts gebrauchen / die jetzt gemelten personen / sollen an ihren leiben vnverlezt gehalten werden / vnd wo man mit dem Lesger ligen würde / oder ann einem zug da Pfarckirchen weren / soll sich ewer keiner in die Kirchen legern / oder schaden darinnen zufügen / sonder dieselbigen getrewlich schützen helffen. Wer darwider thäte / sol ohn alle gnade gestrafft werden.

Es sol keiner kein alten neidt / oder Haß rechnen / noch vberlauffen / Scheldts wort / oder Schuldt halben gegen ein ander / außserhalb Rechtens fürnemen / welscher das nicht hielt / soll nach erkendnuß des Rechtens / an leib vnd gut gestraffet werden.

Ob



## Von Kriegshändeln. 70

Ob sich begeben / daß einer mit dem andern / inn vneinigheit / oder auffrhere käme / es were gegen Fußknechten / Knechten / N. oder N. oder anderm Kriegsvolck / sol sich keiner wider den andern Rotten / sonder von stund an frieden nehmen vnn geben. Vnn welchem vmb frieden zugesprochen / vnn er den nicht hielt / so sol der nechst auff in schlagen / vñ so solcher vberfarer deß erforderen friedens darvber schlagen würde / inn demselbigen sol niemandt sich vergriffen haben.

Weiter / ob einer oder mehr / sein wehre auff einen ander schuß / oder nachwürffe / auch jemandts steche / oder ligend hiebe / es wer vor oder nach dem Frieden / der sol gestrafft werden an seinem leib.

Es sol keiner meuteren / aufflauff / Auffruhr / oder Lermen machen / welcher aber in solchem vngeschiekt / vnd verächtlich were / sol sonder alle gnade gestrafft werden / nach erkändnuß der Hauptleut.

Wo einer oder mehr innen würden?



## Von Kriegshändeln.

den / daß einer Verräteren oder ander böse  
stück trieb / die wider N. oder irer N. ver-  
ordneten Obersten Hauptleut weren / der  
sol das dem Profosen anzeigen / in dem er  
dann nach beuelch des Obersten Haupt-  
mans zu handeln hat.

Es sol keiner auß dem Leger ziehen /  
weder auff die beut oder anderswo hin / on  
seins Hauptmans wissen vnd willen / bey  
leib straff.

Es soll auch keiner mit den Feinden  
sprach halten / on des Obersten wissen / in  
keinerley weg.

Item wo Reysig oder Fußknecht /  
inn ein Leger bey einander ligen / so sollen  
die Knecht / zu zimlicher noturfft weichen /  
darmit die Reysigen ire Pferd vnderbrin-  
gen mögen / vnnnd sich mit einander leys-  
den.

Item / Es sol sich auch ein jeder / wie  
er von seinem Kott vnd Quartiermeister  
losiert wirt / desselben orts benügen lassen /  
vnd sich friedlich vnd gütlich betragen.

Item /



## Von Kriegshändeln.

71

Item es sol keiner an gefährlichen orten / sonderlich bey der nacht abschleffen / Es sey im Leger / Stetten / oder Schloß fern / dardurch schaden entstehen oder Lere man verursacht werden möcht / bey vermeidung leibs straff.

Item es sol keiner kein Mül beschädigen / noch keinerley daran zu rütten oder zerreißen / ohn bevelch des Obersten bey leibs straff.

Es sol keiner in keinerley wege Brandschäßen / noch brennen / auch kein Leger anzünden / ohn des Obersten bevelch / bey leibs straff.

Item wo einer oder mehr weren / der oder die ein fucht mächten / im Feldt / oder sonst an Schlachten / oder Scharmüteln / so sol der nechst der ihn erreichen möcht / in ihn stechen oder zu todt schlagen / darmit nichts verwirctet / sonder im groffer danck gesagt werden.

Wo aber derselbigen einer entlieff / so sol er den Herrn vund Hauptleuten angezeigt



## Von Kriegshändeln.

gezeigt werden / damit er zu einem Schelmen erkant werde.

Item so prouiant in das Leger oder Heer kompt / sol keiner darüber fallen / oder eingreifen / ehe die zu vorgesezt wirt / vnd wo ihr in N. oder andern der freunde land ziehen / sol ein jeder schon bezalen / vñ niemandt beschädigen / es sol auch niemandts vor dem Leger verkauffen / oder Prouiant nemen / bey leibs straff.

Ob der Profosz oder seine Knecht / einen oder mehr / so vngehorsam sind vnd mißhandelt / annemen wolten / so soll sie niemandt daran hindern / oder darwider rahten / oder sich deß annemen / bey leibs straff. Vnd ob einer oder mehr / den Profosen oder seinen Knechten / ein gefangen verhinderten / vñ der mißhandler dadurch hinweg käme / so sol derselb oder dieselben / so darzu geholffen habē / an deß mißhandlers statt gestrafft / vñ durch den Profosen angenommen werden. Das zutrincen sol der maß verboten sein / wo einer in der vol-  
len



## Von Kriegshändeln. 72

len weiß etwas mißhandelt/so sol er gleich  
so wol gestrafft werden / als were er nüch-  
tern / Auch keiner den andern zu solchem  
trincken nöten.

Item wo ein zug beschicht / sol keiner  
auß der ordnung ziehen / ohn gebürliche  
ursach. Wo aber einer in solchem vnges-  
horsam / vnnnd verächtlich were / so sollen  
die Hauptleut oder Wenbel / mit hülff  
vnd handthabung gemeiner Knecht / die  
vngehorsamē mit gemeinem gewalt/ inn  
die ordnung treiben/ preiß machen/ sie be-  
rauben/vnnnd ihnen nemen was sie haben.  
Wo man Schlachtē/Stürmen / oder ero-  
berung thete/wie das were/so sol sich nie-  
mand vmb das gut annemen / noch plün-  
dern/oder auß der ordnung/noch vō hauf-  
fen thun/es sey dann die walstatt vnd platz  
zuvor erobert / sonder in guter ordnung  
bleiben.

Es soll keiner auff dem Spielplatz  
oder am Spiel / on des andern guten wil-  
len nichts auffheben. Vnd kein teutscher  
mit



## Von Kriegshändeln.

ein andern von einer andern Nation/ spielen / damit dester minder vnwillen entstehe/bey schwerer straff.

Es sol auch ein jeder den Nachrichter bey seiner freyheit bleiben lassen.

Item wann ein Lerman wirdt / im Feld oder Leger / so sol ein jeder auff dem plas/dahin sein Fenlin bescheiden ist / vnd sonst on erlaubnuß des Hauptmans niends dert hin lauffen. Wo einer oder mehr/ohn ein Paßbortē/ die allein der oberst Hauptman zugeben hat/ auß dem Feldleger zogen / den sol man nemen was sie haben/ vnd darzu von dem Obersten im Felde weiter gestrafft werden / oder wo sie hinweg kommen/ihnen nachschreiben / vnd ferner zu irer straff getrengt werden.

Item/ wo ein Fenlin auff die wacht bescheiden wirdt / so sol der Hauptman/ Sendrich/ Weybel/ Edel vnd vnedel/ eins jeden Fenlins/ auff die wacht ziehen/ vnd wie sich gebürt wachen. Welcher aber nit auff die wacht zeucht / oder von der wacht  
vor



## Von Kriegshändeln. 73

vor der zeit abgieng/ der sonder aller gnade von seinen Rottgesellen/ mit willen seines Hauptmans / bey einem dicken pfennig / oder nach gelegenheit der zeit / vnnach ermessens des Hauptmans gestrafft werden.

Es sol auch keiner kein andern Wächter/ an seine statt zuwachen bestellen / ohn erlaubnuß seines Hauptmans.

Auffs leßt / wo einer oder mehr/ die vorgeschriebenen Artickel / einen oder mehr nicht hielten oder verbrechen/ so sol derselbig/ oder dieselben peinlich / als Endtbrüchig gestrafft werden/ nach erkantnuß des Obersten.

Vnd ob etwas inn vorgemelten Artickeln vergessen vnd nicht genennet were/ das Kriegsleut zu halten schuldig seynd/ dieselben mißhändler alle / sollen auch nach bescheide des Obersten Hauptmans gestrafft werden.

Vnd ob einer oder mehr/ diese Artickel nit recht gemerckt oder vergessen hatte/  
R te/



## Von Kriegshändeln.

te/der findet diesen Artickels brieff bey N.  
als obersten hauptman vnd dem Schults  
heissen / bey der einem er deßhalben weiten  
vnderrichtung suchen soll vnd mag.

### Nota.

Dieser Artickels brieff / soll auß bes  
welch / vnd in gegenwertigkeit deß oberste  
Hauptmans von seinem Schreiber / den  
knechten im Ring / verstendlich vorgelcs  
sen/ vnd inen darnach der Schultheiß ges  
bürende Eydtspflicht darauff geben.

Item der gemein mann / hat die ges  
meinen Weybel vnd Furirer zuerwelen/  
aber alle andere ämpter / soll der Oberst  
Hauptman von N. wegen zu bestellen ha  
ben.

**Volgen weiter noch andere  
mehr Kriegsrecht vnn  
Kriegs gebrench.**

Es soll vnd kan kein rechtmessig vnn  
redliche vñhede oder Krieg anders daß vff  
vora



## Von Kriegshändeln. 74

vorgehende öffentliche absagung vnd vers  
warnung der Ehren zc. beschchen.

Wirt einer in ein öffentlich in redli  
chen Kriege gefangen / vnd biß sein hand  
von sich / so soll er sein trew wie ein bider  
man / stede vnd vest / als einem gefangnen  
gebeurt / halten.

Thet er das nicht / vnd wolt bey Rite  
rlicher gefengnuß / da er sonst recht ge  
halten würde / flüchtig werden / vnd seiner  
treuw vergessen / so mag der vberwinder  
mit gestrenger gefengnuß auch der frag  
der Ehren vnverlesig / gegen ihme wol  
handeln lassen.

Hinwider da der gefangen sich rechte  
hielt / vñ wolt der vberwinder nichts desto  
weniger seinen mutwillen ann ihme mit  
strenger gefengnuß oder frag / oder sonst  
treiben / als dan ist der gefangen dem Krie  
gesrechten nach / seiner pflicht vñ Eydt les  
dig. Wöcht auch / da er dem vberwinder /  
auß dem gefengnuß entrünne / mit guten  
Ehren dem Kriege vñnd Vhede in aller  
K ij massen /



## Von Kriegshändeln.

massen / wie zu vor anhangen / vnnnd auß-  
warten.

So ein feind den andern inn der ges-  
fengnuß scheke wil / soll keiner den andern  
dem Kriegsrecht vnd brauch nach / höher  
scheken denn vmb den dritten theyl seines  
vermögens. Als / so er drey tausent gulden  
vermöcht / sol der vber ein tausent Gulden  
nit geschekt werden. Doch was man bey  
ime gefunden / ist darzu auch verloren.

So man ein Veldtschlacht thut /  
Schloß oder Stätt stürmet / so ist der  
brauch vnd Kriegsrecht (so ferr es im Ar-  
tickels brieff nicht anders geordnet wirdt)  
daß der Monat deßselben tags auß vnnnd  
an gehet. Darzu ein Monat Sold durch  
das ganze Leger gegeben wirt / vnd gehö-  
ren alle eroberte fahrend hab (außgenom-  
men wie nachfolgt) in die gemeine beut.

Dem Kriegsherrn gehört alle Proui-  
ant / so in der Besakung gefunden wirdt.  
Darzu alle wehrd Außgeschenden der Ar-  
telaren.

Dem



## Von Kriegshändeln. 75

Dem Zeugmeister gehören sonderlich/  
Büchsen/Puluer vnd Kugeln/2c. Doch  
hat der Kriegsherr die von ihme zuloßen/  
wie er mit jme vberkommen kan/ doch hörs  
her nicht dan vmb zwey dritttheil des zima  
lichen werts.

Was sonst andere Ampter für Priui  
legien vnd Proueiten haben/ ist hie oben  
angezeigt.

So ein Fendlin gewonnen wirt/so hat  
es der Oberst Hauptman / von dem jeni  
gen/so es erstlich zu seinen handē gbracht/  
vmb ein Monat Sold/wie er dann vnder  
seinem Hauptman/ doppel oder Trifach  
hat / zu lösen / Sonst soll der Oberst das  
Fenlin vonn dem Kriegsman nicht neh  
men.

Es hat auch derselbig / so das Fenlin  
gewonnen/ gut macht/ neben andere Fens  
rich / so man in der ordnung zeucht / zu  
gehn vñ zu stehn / sein Fenlin in der hand/  
offen vnd fliehend (doch daß er es bey dem  
Eisen in der faust / vnd die Stangen vber

R iij sich



## Von Kriegshändeln.

sich gegen Himmel gefert / als zur anzeig  
eins vberwunden vñ gewonnen Feindes)  
zu tragen / das dem Kriegsmann sonderlich  
Ehr / dann es wirdt darbey erkant / daß er  
sich Ritterlich gegen den Feinden gehalten.

So die Feind für einer besatzung die  
sie beschossen (ob schon nur drey oder vier  
schuß hinnein geschehen weren auß grobē  
Stücken) vngeschafft widerum abziehen  
müssen / da es dann in Artickelsbrieff (wie  
jetzt gleichwol gewonlich geschicht) nicht  
auders versehen vnd außgedingt / so gebü-  
ren denen in der Besatzung durch auß auch  
ein Monat Soldt.

Sonst seind noch vielerley Kriegs ge-  
bräuch / werden aber in diesen zeiten vñnd  
leuffen vbel gehalten / vñ kommen dages-  
gen neue vnerhörte / vngeschickte Kriegs-  
gebräuch vñd Kriegsrecht auß / wie man  
täglich vor augē sieht / der sich unsere vor-  
ältern der Löblichen Teutschen ins Herz  
geschämpt hetten. Davon dient nicht zu  
schreis



## Von Kriegshändeln. 76

Schreiben : Darumb ichs dißmals hieben  
beruhen wil lassen.

### Gemeyne streits Regeln.

Keinerley rath oder anschleg sein bes-  
ser dann die / so da dem Feind verborgen  
sein / ehe dann du die thust.

In mangel vnd abgang der Spieß ihn  
vberfallen oder erschrecken / ist der Feinde  
allweg besser zu gewinnen als mit dem  
Schwert / dann in der Schlacht hat das  
Glück mehr herrschung als die mannhait.

Guter anschlag / list / vnd flugheit /  
ist in streiten allwege besser als die Mäns-  
heit.

Die Mänsheit ist besser als die mens-  
nig.

Die natur gebiert wenig freudig oder  
beherkter Männer / aber durch gute vnder-  
weisung / vñ anführung macht die geschick-  
lichkeit viel beherkter Mann.

R iij

Das



## Von Kriegshändeln.

Das Kriegsvolck nimpt zu durch arbeit/aber durch müßigkeit nimpts ab.

So ein Rundscharffter der Feinde im Leger zu sein vermeindt wirdt/so sollen auff einen tag alle vnd jegliche in jr eigen zelt erfordert werden / so findet man den Rundscharffter von stunde an.

Wüßst du innen daß die feind deines anschlags inen feind worden / ist noth daß du dein fürnemen änderst.

Was man thun sol/handel mit vielen/ was aber du thun wöllest / das handel mit wenigen / vnd den aller getrewsten/oder aber mit dir selbs.


Es ist ein grosse geschicklichkeit den feind mehr mit hunger als mit dē schwerd vberwinden.

Item was weise vnd wehre du streiten wilt/sollen die feinde nicht wissen/ daß mit sie nicht etwas dargen erdencken.




Q. VIII. 21.











Constat. 8. Re.